



今詩所見集選

二

49
191
2

早稻田大學圖書館
號 259 第
冊 2 第



門 19
號 191
卷 2



今詩所見集選

卷三

古歛黃承增心盦甫輯

何

琪

春渚浙江錢唐人半舫詩文集

楮山詩話何丈酒悲善罵其荅秦小峴觀察詩
 可以概見頃予游虎林訪晤于半舫七十老人
 冒暑數過予對飲顧醉益恂恂無少媿態昔陳
 迦陵為邵山人潛夫傳曰山人于周秦兩漢六
 朝書無不習工詩賦古文辭又精篆籀八分書
 尤攻字學點畫不苟著書數十萬言維崧客東
 臯東臯人多訾警山人性卞急善罵人而山人
 每過維崧輒溫語竟日山則人早過而維崧尚卧
 未起也則坐待日曉耳然則人之善罵無一不似
 豈信然哉今何丈之入之才之善罵無一不似
 潛夫其遇予獨厚處亦似潛夫之於迦陵古今
 事相類如此予亦髯而落拓似迦陵惟才則不

連迦陵遠甚。
為小異耳。

尋呼猿洞

住山不厭久。討勝寧知疲。風聞呼猿洞。乃在山之
西。宏敞無纖塵。毒物不敢棲。遊者俯身入。遑惜霑
沙泥。長繩繫腰胯。束縵手共攜。初進頗昏黑。稍深
見晴曦。石床宛然在。壁有東坡題。有客曾一到。斯
言寧吾欺。今來不知處。榛莽互蔽虧。得非塵垢身。
靈境未許窺。野花自滿澗。山果空盈枝。徘徊不能
去。落日風淒淒。

春渚自註。老友黃

澱江言曾游此洞。

張蟬谿曰詩境如秋空翔

獨鶴須看其閒閒不迫處。

潘蘭公侍御出觀于忠肅公手書天問墨蹟
少保。書法無媚姿。心正筆正。信有之。三百餘年尙
完好。流傳定煩神護持。所書天問得無意。諤諤同
為羣小忌。當時誰識社稷臣。英主不如蘭古春。有
貞一言致公死。胡獨全軀竄金齒。須臾邊徼兵復
來。思公不見嗟晚矣。山南埋骨深復深。往來歲歲
傷人心。君不見岳鄂王墳隔咫尺。悵望山南又山

北

劉梅庄曰煙波茫茫尺幅千里。
張雲池曰起結亦了不異人意却煞費鍛鍊未
可與按着牛頭
吃草者道也。

鐵如意歌

昇平之世兵革無有鐵不鑄戈與及閭閻事事安
吉祥五張六角無憂虞厥名如意良有以厥勝自
與剛卯殊黑金為質白金飾塵埋歲久光模糊良
工鍛鍊自何代令我入手心踟躕東蒙讀書兼好
古是物得之闕肆餘攜歸把玩喜不寐賦詩起趁

晨光初自言得此膽益壯床頭不啻添昆吾吁嗟
俗眼那能識鏤金琢玉交相譽豪家座上充玩好
羅列每與鬚鼎俱我獨愛此元氣在櫟邀頗稱山
澤懼笋鞋桐帽芙蓉裙與酣起舞風滿廬指揮但
要天花落不學悲歌擊唾壺

周醒愚曰含蓄
槎枒氣凝旨遠。

荅秦小峴觀察

醉裏罵人醒可怕醉裏笑啼醒可訝我非有位如
灌夫亦非有才如唐衢柰何故態老仍在二者被

酒無時無。以此常遭世人忌。公獨聞之不我棄。何似能容吐茵吏。朝來贈我詩一篇。心感既深兼自愧。報國嘗聞古豪傑。束髮讀書慕風烈。既不能學。長沙之流涕。又不能學常山之斷舌。徒以區區酒。酣耳熱悲憤多。公乎公平柰我何。

陳蘭庄曰神似杜老非徒頰上添毫須看其篇中單重一韵及起結變換處

送黃心齋次見贈元韵

空傳六月雨。揮汗午窓前。令我忘三伏。把君詩百篇。孤懷松際雪。清響礪中泉。後夜相思處。黃山雲

海邊

漫與 選三

苦吟撚斷幾莖髭。詎免旁人笑我癡。隨分著衣同野老。有時沽酒向吳姬。百年只似須臾燭。一局空爭膈膊碁。爲愛庭前霜月好。娟娟坐待出林時。畊三餘。一旦休云力穡猶飢。况賣文老圃黃花方爛爛。前溪紅葉又紛紛。逢人每苦名難記。千世真慚術未聞。我有新知君不識。先民頗喜日爲羣。

春渚自註。近得谷音。河汾諸老詩二種。

讀書本為淑吾身。名教從來樂最真。靈運未聞嘗
學佛。伯鸞何必不依人。鵬飛六月偏教息。蠖屈千
年豈易伸。莫道終南無捷徑。出山果可福斯民。

糶山詩話何文又有句云。縱無鼠穴。乘車夢却。有羊腸。叱馭心。杜先生。蘇鞋拾橡。許身契稷。非無心用世者。

送吳穀人太史入都

君去壺觴孰其傾。可堪座上少公榮。錢無鶩眼人
爭笑。書載牛腰客。湯驚肯學王。晞思爛熟待看謝。
傅慰蒼生長安朋。好如相問三尺漁竿買未成。

談二瓢曰清音亮節五六見古人交道。

富陽令憚公敬辱承枉顧下車數月聞以剛

直屢忤上官人或咎其矯枉過正予獨躋
之却寄一首

富春江上好山光。久待韋丹吏治良。未遣僕夫除
草徑。已傳騶從到茅堂。折腰自昔原難免。強項于
今有未嘗。未識南田有賢裔。丹青詞藻定兼長。

春渚自註憚公為正叔後人。

阮芸臺學使招集荷亭

迴翔禁籞早垂紳。來向東南作使臣。貞石吉金勞
拂拭。名章秀句拔沉淪。池添瓜蔓水。增澗杯引蕩
花香。正新禮數無拘從。懶散不嫌。座上有山民。

春渚自註。學使時輯兩浙金石志。兼有採詩之舉。

夏日半舫即事

無由快睹雨翻盆。逃暑同傾河朔樽。陰鳥和鳴那
可得。亂蟬爭噪一何繁。吟尋梧竹聲中逕。坐近藤
蘿影裏門。試嚼水晶瓜。正美破除熱惱滌囂煩。

葛嶺園餞別黃小松

也知聚散尋常事。且醉尊前見在身。欲不銷魂那
可得。青山影裏白頭人。
寒天鳥雀靜無譁。門對孤山處士家。官守憐君難
自主。歸來不及看梅花。

櫛山詩話。小松司馬。負博雅重名。為何文及門高足。二絕句。如霜管孤吹。嗚咽極矣。予謂西冷詩派。多尚博銜新。其失為餽釘細碎。何丈不囿風氣。方主渾成。聲調蒼涼。非搖鞞鐸者比。此風雅正軌。抑亦藝苑公評。

胡唐詠陶安徽歙縣人城東詩草

糶山詩話崔不雕詩丹楓江冷人初別黃葉聲
多酒不辭時稱崔黃葉王秋史詩亂泉聲裏才
通履黃葉林間自著書黃葉下時牛背晚青山
缺處酒人行漁洋亦目之為王黃葉詠陶客長
安賦黃葉有云書客門前秋樹老酒人墳上夕
陽多日下諸公又曰為胡黃葉三黃葉鼎峙詩
林莫可軒輕又予往客潭州舉落葉詞社竹軒
長老拈調疎簾淡月其煞尾云不堪迴首冷紅
飛處有人離別一座盡傾呼
為落葉僧亦詞苑佳話也

和張景陽雜詩十首

夢短怨夜長愁深忘酒濁顧影妻以悲衰哀滅華
燭壯士不得志胡為守幽獨耳際何蕭騷涼風撼

喬木空庭百蟲響。獵獵秋蕪綠索居。寡所適青燈
暖塵屋。感憤不能言。長歌寄心曲。
束髮事遠行。攬勝逐巖陸。南遊凌蒼梧。北想窮孤
竹。莫如一杯酒。兀坐對籬菊。幽賞須及時。風霜漸
云肅。流泉入溪清。崇蘭在山馥。糞土污明珠。棄捐
同魚目。人生慎所處。誠哉良自勗。
少壯漸已去。榮華那可期。秋顏對明鏡。青霜驚素
絲。譬如枝上英。偏宜華露滋。成蹊固有候。爲棟非
所思。但恐遽彫落。泥塗濺履綦。俟命知素位。脩身

爲福基。太息天邊鴻。奮翮乘其時。
流鶯嘯百轉。春風溢幽谷。如何大道傍。凝霜吹未
足。噫然長荆榛。相將刺樛木。依回幾無語。使我心
如束。好向各有從。徒勞空急促。疑懷不能決。欲向
君平卜。
敢云湖海志。弱冠走吳越。淺渚啜蘆芽。危崖摩石
髮。知己不可得。清琴聊自設。曲終起浩歎。徒睇空
天月。素影獨隨身。依依無少別。江衢滿冠蓋。相逢
誰折節。山上有孤松。靜觀斯可察。

洞庭何潏潏。瀾瀾秋水深。鯤鯢游其中。堂堂莫可
尋。鷓鴣思得枝。鴻鵠不倚林。志士感此意。日莫空
沉吟。雖有一尊酒。焉能忘此心。百憂忽來集。長嘯
登高岑。俯首矚塵墟。世路何崎嶇。悲風逐雲去。悠
悠傷古今。

端居怨疇昔。負笈辭鄉城。關河險且阻。危檣揚客
旌。孤杯泛雲影。短枕聆江聲。飛鴻號曉霜。嗷嗷傷
遠征。丹楓傲漁屋。衰柳積津亭。迴首故山路。谿水
歌濯纓。佳日值春秋。何不勤執經。眷言侶儔樂。虛

堂羅酒兵。尊壘列素几。樺蠟光前楹。于今擊長鋏。

枉辜遊子名。

赤驥無羈策。自羞伏櫪間。不辭蹠躩苦。迺畏輪輻
圓。何如小韓獪。優遊卧林園。蹈深不及水。履險非
驀山。悠悠志千里。懷恩望北燕。伯樂一我顧。長鳴
心粲然。

徐蒼浦日思亦猶舊以
峻整出之便新穎可掇

重雲障天末。曠曠薄秋陰。蓬巷闕無侶。中懷思舊
深。涼飈莫云急。敗葉飛東岑。坐聆綺䟽間。颯颯來

晚霖碎響有餘思。靜言成獨吟。凌競怯裏薄。秋氣一何森。荒階咽蟲語。有如愁別音。撫絃不成調。悵悵鍾期心。皮置發長嘯。廣莫蒼煙沈。衰哀復遊觀。幽想搖風林。

劉梅庄曰性羈極幽竊吐語故清越

輕蘿縈短屋。殿鹿垂幽庭。絲絲動珠絡。裊裊遮翠屏。此中亦云樂。何必游滄溟。采蘭賦南陔。餐英延崔齡。菽水差足娛。堂上清歡生。相期效毛義。永懷捧檄情。從容對護草。玉露榮秋莖。獨傷喬木顛。風

撼多悲聲。雙涕隕滂沱。殞毀非我形。悄悄不能已。心摧如碎瓊。何以答劬勞。守身為大貞。敢誇騰達志。毋爭鄉里名。鄙嗇恥濬仲。食貧思臈生。

吳山尊曰胡十四詠陶夙愛鑽研早棄帖括潤身文府悅志碑林釋周大傑之盤誦殷多父之敦奇字忘其聲口古篆瞭于列眉爰是綜金石之文合諸雅頌藪歐趙所錄出以杜韓可咏可歌既美既富而乃早年失怙頗傷孤生平旦有懷僅恃慈母又復奔走吳楚跋涉山川韋氏之慢久違陸郎之衷自顧感脩途之尙渺憂令名之未貽物不平則必鳴言以愁而愈好讀之既生我孝思聞者則夫人泣下既占有物又工諧聲體則準之唐人言言次韵詩則超乎晉造語語應規苟往者之有知謂後生之可畏矣

此處有極淡的印文，內容多為詩詞或書法練習，字跡模糊，難以辨認。

王士錦

鏡舟浙江歸安人小休息場詩鈔

楠山詩話鏡舟秦川公子為岳牧賤奏重客垂
四十年宏長風流縱情絲竹度其為詩必尚風
華及觀小休息場諸作金堅玉瑩絕無突梯脂
韋之習纖靡弛弱之句類車璽序河汾諸老詩
所云者予詳味其格調蓋尤與河汾
之白雲子房皞希白杼軸相似云

五雜組

五雜組風波路往復還如朝露不獲已公無渡

明鏡篇

寶鏡盤龍匣瑩瑩水月光金精發霧耀懸我合歡
堂嫁時年十七窈窕妬姬姜日日啓妝奩照出雙

今言所見集選
鴛央良人行不還。賤妾守空房。春來秋復去。星星
鬢上霜。孤鸞羞隻影。一見一彷徨。照膽不照面。方
知恩義長。

逝水篇

萬派各就下。原泉自混混。來者固不竭。去者日已
遠。往復有常理。川流不得返。洪濤無津涯。傾覆何
日已。井渫無波瀾。鑒之以知止。

玉京篇

本是金臺客。養真閉元關。洪鑪開大冶。燒丹成九

還。一朝涉世事。譴謫落塵寰。富貴非不榮。榮落須
臾間。萬物有時盡。吾道得長年。一真謝百偽。無欲
乃自然。金玉皆自具。何必事丹鉛。蓬萊幾萬里去
者。恒空旋。劉安遇八公。白日飛上天。

雜詩

精衛填苦海。蚩蚩撼巨柯。屈瓠大且堅。其如無用
何。豫讓不得志。荆軻術太疎。可知張子房。囊中有素
書。

趙璧值連城。千金買驂駟。豈無賞音者。莫獻遼東豕。

甘蔗大一圍。不摧而自折。何如青竹竿。寸寸皆有節。

至大無所居。至游無所適。鷦鷯真巢蚊睫。亦自為安宅。

陳月泉曰老鍊雜詩六十首詞不妄立意不苟造察之性情之微合乎樞機之用風人之詩也可以入世可以檢身至于涵濡典籍比類屬詞又其餘事

愁

為問愁多少。難消復易生。笑啼俱不解。風雨最關情。絕塞人千里。頭顱雪幾莖。古今同一慨。賦罷憶蘭成。

一自珠分後。陳王賦七哀。冰溶原是水。燃盡始成灰。鏡暗鸞休舞。梁空燕不來。乘雲知有路。仙子隔蓬萊。

楊已軍日冷雋古艷令讀者蕩氣迴腸

客中

局。戶。惟。枯。坐。詩。成。手。懶。又。窮。愁。無。計。遣。好。事。不。能。
賒。夜。雨。添。新。綠。春。風。怨。落。花。欲。知。腸。斷。處。有。客。未。
還。家。

舟次富春

扁。舟。擊。汰。浪。花。堆。書。笈。茶。鐺。當。友。陪。逆。水。每。愁。歸。
路。永。好。山。如。見。故。人。來。十。年。游。子。家。何。在。白。髮。高。
堂。夢。幾。回。此。去。錢。唐。知。不。遠。潮。平。風。峭。一。帆。開。

鍊舟自註予自閩返浙皆逆
流而西蓋往返已六次矣

放言

兩。塵。相。隔。枉。追。從。化。鶴。飛。鳧。絕。去。蹤。臺。上。吹。笙。雙。
跨。鳳。橋。中。戲。象。共。乘。龍。莫。辭。靄。藥。隨。時。搗。祗。恐。雲。
英。不。再。逢。堪。笑。凡。胎。同。墮。鼠。蓬。萊。金。闕。自。重。重。

金壽門曰即非漆園
寓言亦是游仙佳唱

錄別

明。蠅。蛸。懸。戶。網。蝙蝠。觸。簾。旌。定。有。傷。心。處。樓。東。見。月。

樓東

簾。幙。沉。沉。刻。漏。清。子。規。夜。夜。叫。三。更。樓。東。一。覺。鴛。

鴛。夢。人。自。傷。心。月。自。明。

少年

停。驂。酒。肆。列。華。筵。玉。面。誰。家。最。少。年。自。言。新。拜。中。郎。將。調。笑。吳。姬。不。與。錢。

高言衣最執世世
金喜門日鳴非志園

其下再至其美其能同
劉鳳辭中烟泉其來
兩盟味湖环或武外

徐世鋼

癯仙浙江嘉興人通介堂藁

精山詩話癯仙詩曩好離奇冪兀欲不煩繩削
與唐之劉義馬異角奇門險近則壹以沉著柔
澹為指販少陵所謂老去漸于詩律細也尤精
繪事大塗小抹高古可匹田水月王秋陸明府
詩云吾鄉才子數南州綺歲翩翩作遠遊名比
陸機初入洛賦憐王粲獨登樓又云硯匣筆床
流豔體汀花野竹染澄心龔澄軒茂才云江河
氣湧談初縱閭闔狂呼力可排家小松司馬句
云金粉六朝齊庾信丹青五代
邁黃金筓其為名流傾倒如此

秋感同朱春源

二。十。年。來。夢。翅。頭。一。枕。秋。客。心。歸。破。衲。世。味。厭。珍。
羞。彼。美。空。千。里。惟。靈。感。百。憂。蒼。茫。留。子。影。征。雁。其。

牢愁

別興

蔡○燃○秘○閣○遲○破○寺○擁○臯○比○裘○敝○憐○蘇○季○文○雄○辟○左○
思○言○歸○虛○舊○約○錄○別○索○新○詩○此○去○蘭○陵○路○誰○貽○酒○
一○鷓○

癯仙自註劉鹿柴舊約
同歸頃以授經不果

濠○梁○魚○可○呼○笑○傲○共○林○逋○秋○水○披○簾○幕○春○風○坐○錦○
毵○頻○年○賓○館○集○明○日○客○帆○孤○此○後○相○思○處○蘧○蘧○有○
夢○無○

癯仙自註莊浩然
為林曉岑西賓

歸○看○小○華○雲○一○歲○隔○音○塵○封○墓○蠲○殘○臘○登○程○說○早○
春○望○空○天○外○鴈○念○切○隴○頭○人○傾○蓋○期○相○值○前○途○笑○
語○親○

癯仙自註黃心盒歸黃山葬
親有約不至小華黃山別名

夜泊陳橋驛有懷德樹盒司馬

記○赴○平○原○約○孤○蓬○北○渡○來○燕○巢○寒○食○雨○春○暖○故○人○
盃○斷○岸○舟○重○泊○歸○鴻○聽○獨○哀○祗○今○病○摩○詰○消○息○轉○
難○猜○

徐夢陸曰司馬憐才下士名噪中原今引疾歸
旂癯仙有一人知己之感追維疇曩筆墨最多

迎春花

自是東皇使金泥奉詔來爭先三日信導引百花
開雀嘴何嬌小鶯翎費剪裁止緣香韻薄領袖讓
寒梅

陶東籬曰語有分寸不黏不脫此
泛浣花門庭入不踏謝瞿蹊徑也

朱溶

春源江蘓上元人春亭草江干茅屋詩鈔

郁雨堂曰春源從軍金川理刑楚豫所至官能
盡職以赤文綠字之所醞釀與名山大川相感
觸與之所至發為詠吟蔚然爛然罔不超越近
情馳驟古法

馬朗山曰春源足跡所經幾及萬里鶯花勝地
風月佳時吊古樽前懷人天末以淡宕夷猶之
作攄歛音繡勃之胸讀全藁如入武陵源覺流
水桃花都非凡境

劉鹿柴曰江干茅屋集以冲澹自然為宗無棘
齋擁腫之累予以二絕句代跋云結茅小住在
江邨六代遺踪恣討論怪道煙雲生筆底心香
一瓣自隨園鳳嶺雞關險惡經棄繻捧檄幾霜
星馬頭山色橫雲峻磨盾曾書劍閣銘

楮山詩話隨園老人之言曰春源束髮從予游
卽講求經濟所著有諸史識要及江干雜記諸
書頃嘗語予無定者事也有定者識也識高于

事乃能因事以見才其所蘊卓越如斯度非終老風塵者三十年來予始竒春源之交繼又竒其詩今聞其言尤竒其人也

初秋望月

明月共千里新秋光倍清纔從高處望便覺早涼生大地暑初斂西風時一聲遠懷勞極目何以慰多情

西湖

畫裏湖山始着儂摘船春水正溶溶關心蘓小門前柳到耳南屏寺裏鐘紅杏開時初過雨青山缺

處別成峰一樽擬酌西冷月煙靄無端護幾重

壬子除夕

茅簷朗映雪光瑩手貼宜春歲事更江遠門庭無雜客貧婦子有歡聲窓開花竹侵書卷盤列雞豚間菜羹富貴逼人笑翁子漫言五十快平生

春源自註予以明年五十施雨羅日田園雜興佳處可冠月泉

鄉園牡丹

兩株艷質手親栽每喜三春燦爛開風景未曾離櫟素色香終自出塵埃家人聽雨張青幙村女窺

園損綠苔難得有花兼有酒此身端不負歸來

高棅庭曰魏國夫人蛾眉澹掃體物如話此為上乘前輩顧與治詠物詩多如此作偶記一首題為歸夕對牡丹云花下人歸喧女兒老妻置酒索題詩為言昨日纔全放更比去年多幾枝燈上香光如更好夜來風雨不堪思巾車若肯先三夕飽看還從欲吐時顧名孟游亦上元人

大梁喜晤心盦

籍甚傳來梁苑聲不知原是舊鷗盟天涯彈鋏英雄老眼底浮雲富貴輕往事十年如夢寐憐才兩字共平生聽談慷慨淋漓處誰識胸中有甲兵

櫛山詩話予與春源定交澹澧別十年矣丙辰暮春邂逅夷門談兵累日時予即欲南歸酒間

次韵云出谷凄凉覓友聲班荆無意遇心盟傾來舊恨填膺滿過去年華逝水輕枝上子規方勸客階前芍藥可憐生十朝判為平原佳白眼高歌兩步兵

寒柝銷寒分韵之一

短長數盡已心酸更聽蝦蟆到歲闌鼓角霜清江戍遠郵亭風急夜行難催將漏滴香初爇喚起鷄聲夢亦寒外戶三更刁斗靜此中聞說有微官

雨後過訪心盦

五十功名事盡虛竭來已是二年餘何甘遂老夷門監但恨全忘鄴架書雨足定應春有麥官貧更

甚食無魚依然引起哦松興去訪蕭齋午夢初

楮山詩話予次韵云柳窺青眼小窓虛晴意春容雨意餘南國禊游醒淺夢東京遺事檢殘書新巢社日將迎燕春水桃花欲上魚有客肯來銷寂寞素心相對蕙香初

陳倉道中

無復叢祠祀碧雞釣魚臺畔草萋萋雄王雌霸銷磨盡疲馬鞭絲日又西

春源自註道旁有太公釣臺

雞頭關

九曲盤迴一線通雄關高踞勢凌空雞聲曉逐江

聲下平遠褒斜入漢中

宛陵道中

迴谿碧玉響潺潺詰曲林巒未易攀得得蹇驢看不厭夕陽紅葉敬亭山

楮山詩話江干茆屋集摘句靜如僧人定樂似客還家蘆荻江多雨芙蓉秋正花九月猿啼巫峽雨一舟春入洞庭雲出門草淺鶯嬌日去路河聲嶽色邊丙子送行申酒戒兒童牽袂問歸期遠樹鵲聲喧霽色短垣花蕊放春光芙蓉南國江邊雨燈火人家水上樓並流麗有味

釋蘭洲

佳水道人行脚藁秋意編

許芝生日蘭公。姓汪氏。席林諸生。中歲棄家。受
 菊黃梅。予識之。鼎澧間。夏臘已八十有三。一餅
 一盃。行脚不衰。猶能作八分小字。界畫山水。洵
 異人也。俗名淮。故字曰佳水道人。
 儲山詩話。蘭上人詩。細而負。不淪于枯寂。得風
 泉雲月之趣。南海劉松岩廣文。蘭江遷客也。于
 予案頭。見秋意一編。擊賞不置。亟拉予暨高棅
 庭。過訪于南華山寺。定塵外交。字交焉。此辛丑
 初冬事。前輩風流。雅尚如此。當日坐黃葉堆中。
 支折足。鋪燒品字柴。芋香茶活。比徐元歎自記
 天池落木庵一段荒寒風
 景。約畧相似。轉耐人思耳。

雜詩 二首

偶乘霽色獨躋攀。散宕煙光任往還。休笑一囊吟。

今言身集選
賈。島。不。辭。千。里。訪。廬。山。剪。成。花。瓣。春。風。巧。窺。老。童。
顏。白。石。頑。禪。意。莫。如。新。綠。好。空。空。色。色。有。無。間。
洞。門。幽。窅。一。龕。煙。窄。徑。紆。迴。別。有。天。頑。薛。日。烘。斑。
豹。變。綠。濤。風。吼。冷。虬。眠。看。碑。弔。古。朦。朧。字。攀。葛。搜。
奇。碓。礪。巔。鳥。語。流。連。真。可。隱。不。須。十。萬。買。山。錢。

戊子除夕

星。雲。乍。易。歲。云。終。春。溢。禪。林。資。錫。豐。索。笑。有。花。千。
事。畢。投。機。無。字。萬。緣。空。鐘。聲。斷。續。靈。心。遠。慧。燄。光。
明。藻。思。通。裊。裊。鑪。煙。焚。柏。子。已。經。游。到。翠。雲。東。

秋興

半。秋。禪。榻。冷。松。關。葯。竈。茶。餅。水。一。灣。語。燕。思。花。彌。
勒。笑。離。蟲。乏。技。老。僧。閒。只。憑。素。樸。成。樗。散。休。問。冰。
心。似。石。頑。江。上。不。聞。招。隱。句。至。今。愁。未。買。青。山。

秋風

火。雲。吹。散。換。秋。聲。乍。送。微。涼。一。咲。迎。翠。窟。飛。嵐。移。
鳥。夢。煙。林。落。葉。罨。蟲。鳴。踈。針。補。綠。松。濤。吼。古。字。揮。
青。竹。影。橫。淨。掃。塵。根。佳。境。近。憑。虛。便。覺。俗。綠。輕。

秋鶯

數聲嬌語掠烟蘿。為愛飛仙遣睡魔。曉霧初迷鸚鵡夢。微風忽送雪兒歌。吹殘笙管松間韻。織破羅紈柳外梭。浪跡溪山公子老。一身金翠問如何。

梅影

無香無色動人疑。偶對銀缸畫一枝。春閣忘形驚滅燼。素屏點迹愛清奇。非追月影迷芳夢。似惜花陰養玉姿。畢竟求仙思蛻骨。故憑墨本贈相知。

釋竹軒曰。或問蘭長老詩。派何似。予拈杜句下。轉語云。百年死樹中琴瑟。一斛舊水藏蛟龍。

林嵐

曉岑順天大興人。網詩軒草。

劉鹿柴曰。颯。颯。風來急。垂簾似掩關。為遮迎面雨。放過幾重山。右絕句。曉岑世父方伯西厓先生。蜀道盤輿山行作也。眼前景。刻穎簇新。而無琢鏤痕。是之謂善。泰活句。曉岑論詩。主扶破藩籬。獨尋妙悟。有本哉。
楮山詩話。曉岑貳尹。鄴都。縱酒逃禪。狂吟任俠。殆蘓晉杜牧之陳同甫之流。興酣耳熱。叩劍而歌。有公等碌碌之慨。詩格爽朗。稱其為人。頃潢池多故。奉檄練卒。為徹桑計。能以威惠作士氣。大梁一旅。屹若范家龍。猛軍。蓋曉岑先世有為某大將軍。談兵上客者。故五花三畧。厥有淵源。不第四始六義。本其家學也。

雜詩

駕言出夷門。遙望古吹臺。朱亥無遺迹。信陵安在

今言身身集選
哉。狐。狸。登。壘。坵。麕。鼠。窟。草。萊。流。光。暝。夕。曛。凄。風。起。
山。隈。迷。惑。失。故。道。攬。轡。獨。徘徊。舉。目。非。所。親。鬱。結。
誰。爲。開。安。得。凌。風。翼。高。舉。翔。天。台。
東。鄰。有。棄。婦。辛。苦。難。具。陳。作。書。與。君。子。情。好。秋。空。
雲。憶。昔。初。結。歡。桃。李。忻。三。春。何。期。不。克。終。棄。置。若。
菅。榛。敢。謂。君。情。薄。故。者。不。如。新。容。顏。許。再。華。故。人。
復。新。人。

春日望心盦不至

綠。蕪。短。短。辛。夷。開。香。風。穿。簾。拂。酒。盃。登。樓。遙。望。江。
南。客。春。水。征。帆。來。不。來。離。情。脉。脉。付。瑤。琴。五。絃。幽。
淒。不。能。任。餘。音。吹。入。碧。雲。去。明。月。清。風。知。我。心。

心盦貽犀角杯作歌畬之

故。人。遠。自。黃。山。來。珍。重。惠。我。犀。角。杯。雕。鏤。篆。刻。良。
工。苦。座。上。一。見。心。爲。開。蒼。龍。盤。拏。削。垂。首。森。然。鱗。
角。欲。飛。走。蒲。桃。引。滿。碧。琉。璃。溟。渤。春。深。雲。澹。黝。離。
奇。把。玩。不。能。釋。稽。首。黃。君。真。我。友。玉。蟾。蜍。金。叵。羅。
注。酒。常。時。恨。不。多。驕。驕。之。裘。尚。可。貫。會。須。請。君。看。
我。作。鯨。飲。一。口。吸。盡。西。江。波。不。然。將。奈。此。杯。何。

秋感

病久貧相倚。閒情寄白鷗。壯懷銷劍缺。生意感蜉蝣。青鏡繁霜髮。黃花細雨秋。孤吟索誰解。一鴈過南樓。

巴蓮舫曰取境甚幽。伐材自遠。

除夕

今夕難為夕。高堂有老親。未歸三畝宅。又是一年人。撥悶鑪灰冷。添愁燭淚頻。遙憐諸弟妹。樽酒慰家貧。

清明日作

風細落花輕。烟銷宿雨晴。客心無住着。時節又清明。夢裏詩難憶。枝頭鳥莫名。多情看社燕。依舊繞簾旌。

網詩軒

六年偃仰此棲遲。石上林間可樂飢。市遠預沽經宿酒。僕煩頻遞叩門詩。偶然豎義閒揮麈。鏗爾鳴絃自解頤。心境不妨隨物化。勞生應笑漢陰癡。

楮山詩話劉鹿柴作網詩軒記曰余以詩得交于林君曉岑六年矣曉岑有官守余為館課所

羈間有耐富每歲不過數首旋即棄去乙卯冬
黃子心庵徐子鈍庵陳子浦雲先後集沐予曰
曉岑而得交于徐黃二子浦雲又介予而得交
于曉岑莊君浩然曉岑子師常為賓中之主更
迭唱和六人相得無間也曉岑工詩好客休沐
之暇折簡招邀集飲心齋中分題角韵約詩成
即揭諸齋壁遂易齋名曰網詩軒此除夕前二
日事也余賦四韻云軒楹豁達瑣窓深滿壁瑤
華重藝林為愛元珠求罔象不辭虛牝擲黃金
酒人半是悲歌者抱膝還為梁甫吟留與平臺
添故事好將芳躅繼高岑獻歲七日余適有校
售之役自鄭至榮兩閱月始返復過此軒則素
壁文窓彩牋黏遍黃徐二子之作尤多一快
讀如入波斯國市木難珊瑚結璘火齊翡翠吉
貝光怪奪目余才弱氣餒僅成夢游啻長歌一
首以為殿譬如貸人財物始未嘗不欲償及積
逋過多則周赧避債之臺不得不築矣是日復
集飲于軒中曉岑以前韵索余通甚急余漫無

以應心庵掀髯笑曰鹿柴其吞舟之魚乎子姑
網開一面可也舉座大劇心盦客久將歸余與
浦雲亦將適館曉岑慨然念佳會之不可常而
風雅之不多得也爰倩鈍盦作畫囑予為記乞
浩然書之嘉慶元年丙辰夏
四月朔日毘陵劉可大志

無題

曉寒誰賦衍波牋青鳥殷勤夢裏傳皓齒有痕憐
別恨香煙如篆憶初眠投來金錯情猶重報乏瓊
瑶意更牽一寸相思深寄託口脂常印綠雲鮮

徐鈍庵曰此因麗人貽翡翠煙筒嘴而作特為
拈出後有學虹亭太史續本事詩者可添奩艷
一則又予亡友王秋塋明府曾次韵云麗詞寫
出薛濤箋分贈香奩密意傳筠管裝成常在握

櫻脣含處澹忘眠幽芬噓吸情難足清篆紫回
思暗牽碧玉迴身借水好盈盈頓憶翠翹鮮
楸山詩話淡巴菰一名金絲薰相思草產自呂
宋前明始入中國近則名之曰煙或作菸截竹
鏤筒以通呼吸功能辟瘴驅寒夫人而嗜之百
餘年來名流多賦煙草余最愛厲樊榭天香一
閱罕有賦煙筒者偶閱王蘭臯無稽闌語載泚
谿居士所作菸先生傳滑稽可喜又載七言律
六首題俗詩佳妙有味外味無名氏或即蘭臯
自製耶傳云先生系出竹氏湘川望族也其父
娶滇南銅氏相配甚得既而生先生名之曰籥
別號虛中先生賦性明通且圓融不露圭角然
能持勁節不屑拳曲隨俗故為時所珍重前明
嘉靖間有菸生者本粵東夸產以醫術游中華
善治瘴癘寒疾消膈脹屢試輒效中土人爭延
致之然非先生為介紹不能遠達故先生與菸
生交最密遂襲其姓自稱為菸籥云先生既知
名蒙上召對條貫觀縷大稱意旨嘗畱置禁中

自公卿以迨士庶人無不樂與晉接其時呼吸
通上下彩燄生須臾族大寵多居然世家矣及
行年既髦性漸粹胸亦窒滯無復如往時通敏
上眷日替將別遣倭人子木氏代其職先生懼
乃造海陬茅處士之廬而告以故處士多方為
之開導始得豁然以通仍服舊職如故厥後益
衰朽形容偃僂度不可復用因乞骸骨歸今其
子姓蕃衍流播諸郡邑森卓立皆通材也菸
氏之昌其未有艾歟贊曰虛乃心砥乃節性溫
存氣芳烈藹五色之流霞侶翽仙以吞咽詩云
荆湘竹子蜀滇銅巧斲精鎔匠製工肯以虛心
安冷淡留將直節示圓融橫陳瑤席霞光起倦
倚蘭闥麝氣通酒醖茶鐺成素侶幾番石火借
微紅纖質盈盈數握長一時流播滿江鄉多情
愛接櫻桃口噓氣聞熏冰雪腸性到老來知愈
粹味從何處有餘香詩翁夜半吟脾澀許爾相
依近象床不雜薰藉氣味清靈犀一點最通明
妙傳噓噏喻仙人訣善遣蕭閒逸客情入握儼同

斑管樣頻吹不作洞簫聲咀含味到津津處直
似流涎向麴生曾是虛中特達材奚童隻手欵
攜來模稜未免因人熱到底何妨臘却成月夕
花期時把握旗亭幔壁也追陪尋常掛齒初無
礙玉箸牙籌莫見猜薄霧輕雲冉冉吹朋儕聚
處每交枝原知通塞無常局不信炎涼祇片時
巒嶺曉鞍消瘴氣蕉窓夜檠佐文思淡巴菰已
知名久燃熄憑渠獨主持羅胸芳樓壓旃檀夏
辟炎蒸冬辟寒綺陌春游隨馬策釣磯閒坐誤
魚竿蟠金爭綉檳榔盒鑿錫空雕鴉片盤那似
此君瀟灑甚氣
氲時傍五雲端

春日睡起

午睡醒來啓竹扉海棠消瘦牡丹肥會心不遠枝
頭鳥啼向人前忽又飛

夢裏

夢裏相逢摠未真推窓愁見月華新碧闌干外香
風起錯認梅花是玉人

德樹盒日雲霽綠青
苔秋繡碧詩境似之

柳枝怨

新煙漠漠又清明吹笛誰家起別情枝上月明驚
鳥夢一齊飛去和悲聲

何春渚日不落畦
町音節自然高亮

宜。菰蒲風獵獵。楊柳絲依依。
君歸定何時。聽笛思京伊。

鐵佛寺塔柱歌

湘春門外有古寺。寺傍古塔標蒼旻。莊嚴妙相結
善果。聿開檀施徵前因。霹靂一聲奮地出。瘦蛟植
立。如有神工師奔走。輟斤斧。緇流騁視皆逡巡。冶
鐵為柱。自何代。土花繡蝕紛鱗鱗。別辨上有鐫斲
字。維宋淳化年庚寅。潭州李氏發宏願。貝多寶笈
超迷津。開福釋子洵法嗣。真言揭出璠璣珍。董君
名已題雁墀。字畫適勁骨肉勻。志乘脫畧翳勿考。

紀載往往傳失真。若非堅金壽能永。須臾變滅隨
煙塵。當代鉅公雅好古。却教舊蹟重翻新。大筆如
椽。唱復和。慈恩往例猶堪循。神工天巧恣鑿鑿。鑿
錘別具師鴻鈞。一朝風雨飛相輪。雅什傳遍湘江
濱。萬人瞻禮不壞金剛身。請看墀柱已闕七百餘
冬春。

彭蘭沼曰。梁冲泉少司徒。陳臬湖南時。倡為此
歌。和者甚眾。此詩該括簡老。足抵一翻伽藍記。

喜雪用東坡聚星堂詩韵

朔風冽冽堆雲葉。大雪節見初。霏雪凌晨屋瓦聽。

有聲開窓撲面迴。妻絕沿階試驗雨脚乾。隔牆已
訝竹梢折萬物共仰天。公慈盈尺便壓疵厲滅醞
釀瑞澤施郊原。高低目眩空中掣籤排凍指握管
難硯水冰凝墨花纈。堪笑灞橋驢背人衝寒覓句
氣騷屑何如歸閣擁地鑪。高揭湘簾看飄瞥來年
餅大茲足徵吉語欣聞老農說三杯且快裏添綿
放脚莫愁衾似鐵。

儲山詩話劉松岩廣文和云。窗外刁騷打枯葉
霰作前鋒殿作雪移時矯首望江天南陌東陌
路疑絕池中止水旋作冰身上綿袍綿可折竹
枝低亞影橫斜村落平林半明滅擁鑪欲和聚

星堂碧海鯨魚苦難掣况予飲酒讓蕪公未到
三蕉眼生纈閉門高卧不成眠紙窓凍破風騷
屑兒童階下挽雙獅左相水山供一簣何人剝
啄款蓬戶情懷欲共哀安說汝南新詠不可幾
伸紙筆尖凍如鐵予和云前者月工鋸銀葉小
試飄瓊逢小雪今辰大雪雪亦大節候徵符洵
奇絕初猶廣砌辨隆窪漸乃修途迷曲折蘆汀
凍合客帆稀前屋雲封鬢煙滅忍寒想像蹇驢
人。羶帽茸衫鞭嬾掣摩抄醉眼竦吟肩錯把梅
花當水纈年前繫纜潯江上夜半掀篷墮瑤屑
篝燈起作雪舟詩忽忽年華如電瞥使君為政
雪同清下邳才名人共說時拈綺語見風流不
礙廣平心似鐵此壬寅年事唱酬後雪又大作
先是芝生和家熙臺葉松齋兩茂才雪詩自註
聚星堂誤書坡公清虛堂予因用清虛堂韻索
和云官街十里鋪銀沙想君因寒放旦衙坐團
玉樹詠謝絮口呵斑管霏江花扯棉堆麵啜里
謔五精三白忻田家古道頓平惑老馬危巢欲

墮驚饑鴉其為素艷物莫比那得不歎稱天葩
前觀君詩自箋字早覺背癢逢搔爬打窻孤聽
重篝火敲冰旋煮華屏茶推敲幾被老坡窘靜
坊夜鼓聲停擲古云索詩如索逋况挾左券君
休嗟書成火急博筦爾定有雅和乘朝霞芝生
是日奉檄履勘湖田歸而屬和稿今佚去松岩
和作尚存錄左四大徧撒恒河沙米簪拄地垂
官衙江南才子冰雪腸忽憶故國寒梅花連雲
宿麥預可必是日慶賞先農家賓朋皎皎披鶴
擎巡檐策策翻風鴉醉翁詩話正可續圍鑪密
坐扞天葩是時有客凍欲死縱然技癢難搔爬
無人為送雲澤米那得更致雪坑茶狂歌擊節
洗懣快悲壯不減漁陽搥但能高卧即千古吾
生何必長咨嗟天公不久困寒士會見江天散
綺霞其明年正月予買舟之湖北阻雪洞庭疊
韻却寄芝生云江梅萎香飄岸沙僵蜂蠢動思
坐衙凌晨三老報舡重使我兩眼驚狂花今年
上九見三白候猶是臘歡農家天公故意逞玉

戲無枝那惜啼惱鴉沿湖老柳身擁腫枝條一
一攢瑤葩怪來昨夜箬篷上郭索有聲如蠅爬
掃膾煮水作韵事不復飲酒惟飲茶風流眼底
一元度鞭曾踏凌阿凍擲公旋示我牛腰卷詩
猶在腹生咨嗟別君隔君二百里象山山色迷
朝霞迴環舊夢遂閱十霜鴻影各天襟上墨痕
如昨冬窓舊錄一過聊
當洪覺範冷齋夜話

糟蟬

尚。有。爬。沙。態。居。然。入。醉。鄉。糟。邱。吟。卧。酒。漁。舍。夢。飛。
霜。皂。莢。留。春。甕。紅。椒。亞。繡。筐。一。杯。因。爾。引。風。味。快。
先。嘗。

初夏卽事

全言身集選
方塘草滿蛙爭鳴。看奕踈簾時。一枰梅子壓檐着。
雨重荷錢透水翻。風輕臨池書學王逸少。繞屋句
詠陶淵明。晝靜北窓可嘯傲。綠陰入座襟懷清。

舟泊潤州

十幅蒲帆趁早潮。去來兩度看金焦。今朝鐵甕城
邊夢。定到吾家丁卯橋。

綠蝴蝶 四首

晚春新綠乍成陰。鳳子翩翩出茂林。飛入畫堂看
不厭。學他鸚武對開襟。

翡翠窻前莫浪遊。綠雲委地正梳頭。尋芳若到雙
鬢上。恐把筠簾暗下鉤。
飛來飛去捉迷藏。階上苔痕陌上桑。剪下碧雲成
羽服。莫譏黃裏與黃裳。

放衙終日對浮嵐。栩栩蘧蘧一覺酣。待種芭蕉三
萬樹。與君同住綠天庵。

巴孟嘉日紅鑪點
雪。句亦翩翩盡致。

雲。竹。庵。晚。眺。用。王。右。丞。青。谿。韻。
鳳。竹。庵。晚。眺。用。王。右。丞。青。谿。韻。
林。風。似。帶。山。寺。白。雲。中。一。碧。帶。湖。水。竭。來。涉。高。磴。寒。烟。淨。墟。

秦元春

錦江湖南湘潭人。香草閒房集。

一室滌塵慮。眼前無物來。推窓對明月。清樽相與
開。月不必能飲。不飲遥相陪。澹懷兩相照。此中無
可猜。更闌月戀影。欲眠復徘徊。

書齋對月

山。楮。山。詩。話。錦。江。工。駢。四。儷。六。故。其。詩。初。貴。取。材。
華。贍。幾。揜。性。翫。追。粵。游。既。久。力。洗。紙。牡。丹。帛。芍。
藥。之。弊。一。變。而。宗。初。日。芙。蕖。句。如。海。寺。鐘。聲。殘。
照。後。江。城。柳。影。欲。秋。天。霧。障。盡。往。梅。子。熟。矣。

里顧瞻雲水秋神去蒼茫裏驚起暮天鐘鳥驚亂
葭葦斜陽澹有餘客懷空若此黃葉一林風吟罷
客歸矣

冬夜東胡城東

殘雪猶在樹林鴉棲未定寒月破新晴清光滿蘿
徑開軒步前楹小立同梅凭竹外一枝春欲採誰
與贈美人在空谷履潔自貞勝此夜越吟孤清音
山水應何當棹扁舟來乘剡谿興

山行

萬樹蔭深墟仄徑通一線遠峰插天寒曉來與雲
戰雲怯散零亂縹緲樹石絢谷深路愈折幽陰衍
聞見冷翠幕剩紫林箐交相戀蘚石立如人幽花
含露顫啾啾獐子羣岩際扳蘿轉瀑布挾松濤半
空走雷電思欲窮險竒登涉忘疲倦歸路暮烟浮
月光散如練

楮山詩話海中孤嶼無客問津峻也竹孟蒲墩
塵埃俱遠潔也費經虞雅倫品衡詩家有峻潔
一格其語如此錦江五言古體有焉
此篇尤似唐李嶠早發苦竹館作

題胡城東夢李崑

胡君耽李詩。夢寐忽相見。天風一曲唱遊仙。醒後
依稀昔玉面。那知是李還是君。我意看來總莫分。
天生鬼才奇太過。黃上蒼下止一箇化身重下玉。
京遊古錦囊。出天為愁欲把胸中一腔血淋漓灑。
向秋風熱風塵。誰識謫仙人。抱異何由證後身。獨
從今我尋故我。我與我遇情愈親。噫吁嘻。莊化蝶。
蝶化莊是一體。隨相羊軟紅塵。白雲鄉我聞五百
年來神仙死。還向人間作才子。

鳳竹庵古桂歌用昌黎石鼓韻為礪東賦

鳳竹盦中賞古桂。主人命作古桂歌。此盦此桂相
傳久。歷年不知其幾何。雲葉久攢羽葆。蓋霜枝橫
挺。揮日戈。西河老人不敢斫。踏天空把金戚磨。問
胡托迹三摩地。叢生昔應根兜羅。花時秀發天葩
璨。玉犀的的堆嶠峨。三清子墮龍鉢水。九里香滿
魚山阿。樹若成仙花不老。將毋佛力常撝訶。即看
碎錦枝相簇。始信連理言非訛。當年培植人何處。
亭空題額餘篆蚪。獨此蒼然愈秀挺。夭矯勢可驅
鼉鼉。邇來黝儵白藏候。賞奇誰撫青銅柯。鄭涇居

士嗜覽古恐放秋光同擲梭欣然把臂入林密熏
香摘艷情委蛇興至舉觴吸明月入座恍忽來素
娥臨風一奏紫雲曲漫天花雨飛滂沱大兒小兒
爭擊節四座聲應如巢和同是謫仙好身手嬾應
不求聞達科花前快覽秋一色挹取萬斛天香多
談劇解衣一磅礴潭潭浩氣凌紫駝陸地仙游無
不可藥珠宮隨連袂過羌余落拓愧散木質同崑
玉相切磋躡天欲探玉蟾窟乘槎幾阻長鯨波精
藍得與羣仙會坦懷共適心無頗行樂人間即天

上相羊那復知其他從來願意在摩古賞心豈必
春態耍廣木天空恣偃仰旃檀舍敞客摩挲金粟
堆中席花坐一觴一詠隨吟哦遮莫歡呼罄綠蟻
相於跌舞為黃鶯良會如此如不醉名花空滿波
演那郊詵一。枝會見重。小山偃蹇寧坎軻。樹亦迎
人。生喜色香。蓓盡吐沙。恒河攀林結伴須盡興一
閱賈勇毋蹉跎

楮山詩話鳳竹庵在湘潭城西二里許為吾歙
人業離于潭者歲時伏臘叙飲之所面湖背山
勝據幽窈予于辛亥九月四日寄榻庵之東院
竹石荒寒闌寂便予倦旅西院浮木堂則有老

桂一株。輪困膠結如繖蓋。下可布十許席。蓋藤本也。桂中自有一種耳。于時花纔蓓蕾。予為移寓之。詩曰：愛從淨土借枝棲。匣劍囊琴手自攜。榻下竹房清夢穩。龕支蘇壁亂書齊。掃除風葉。迴廊外。領畧天香小院西。能助故人吟興否。海榴還豔數花低。當時同社屬和盈。帙閱明年中秋前。此花已燦燦滿樹。予拈許月卿分封在香國。筮仕得黃裳句為韻。成古體十章。章八句。又用獨木橋體。倚聲滿庭芳一闕。題壁俟徘徊。花下者雅和焉。詩曰：仙禽警珠露。撫序遂秋分。岩阿招隱花。法雨還繽紛。妙香遍諸天。人我咸得聞。吾無隱乎爾。古德嘗云云。一本擢萬枝。枝枝膠游龍。一枝一斛粟。鼻觀寒醞醞。撒金恒河沙。移植于鷲峯。碧罩百團瓢。葉葉慈雲封。託根始何時。淨土得自在。攀枝問雜僧。歲月莫能對。剝蘇摸殘碑。犬畧知所載。百數十經秋。肥遯老可愛。清商日夕吹。秉質得其剛。獨秀無雜木。氣味如老薑。雨餘薈薈林。風送旃檀香。作供三世

尊。祇樹燦金光。名藍亡詩僧。無瑕玉。減色空留。小山作。遐往衆香國。古人則已矣。今雨望不極。拈花思。蜜殊塵網偏。偏仄。印友朱桃椎。好事愛談藝。年年賦天香。宴客不用筮。今年黃雪早。遇閨破。舊例寄言玉山人。高會及秋霽。高至不可攀。置之幽。貴豈在撫任。仙籍爛策名。雅尚數君子。絡緯厲涼風。草根咽不息。默坐證氤氳。沈澀如可食。青枝紛翠葆。片月林罅得。載歌淮南篇。時復弄筆墨。昔乘芙蓉舫。弭櫂紅橋傍。吾宗有名園。偃蹇千百章。涼秋八月。墜露宛衣黃。遠道繫我思。迢然更懷鄉。密密散琮屑。濛濛霏甜香。五畝蔭婆娑。中有讀書堂。古榦何連蜷。枳櫺紛低昂。所思在考槃。乘興欲褰裳。右第五。章弔庵僧緯雲。因懷竹軒和尚第六。章謂朱礪東。第七。章謂錦江暨劉梅庄徐荇浦。劉平山。第九。章謂吾家墨莊。觀察邢江。寓園有桂千餘株。終之以懷舊隱也。詞曰：無熱河邊。廣寒宮裏。玉犀又放

黃香欺蘭壓麝另是一般香辛苦涼蟾孤兔開
田地種出天香春玉白月工修合不比世間香
西風吹陣陣醒脾沁骨應喚心香慢金鷺碎剪
古雪飄香何止人如荀令小坐處三日猶香局
颺館靜叅金粟一月不焚香予離香界樓指忽
漫五秋疇昔魏野浪吟未審亦有麗人紅袖為
拂詩壁塵埃否耶

郊行

欲。往。竟。何。適。行。行。原。上。遲。野。橋。瓜。蔓。水。踈。雨。豆。花。
籬。鳥。倦。偶。然。語。雲。閒。澹。所。思。夕。陽。山。外。霽。延。眺。獨
支。頤。

秋日寄懷朱礪東

秋。色。忽。搖。落。滿。林。黃。葉。飛。吳。江。人。去。遠。湘。浦。雁。來。
稀。月。冷。宵。無。夢。花。寒。午。不。翻。洞。庭。垂。釣。早。鱸。膾。想
多。肥。

正六中秋步月同徐荇圃作

絃。管。四。鄰。聲。遊。人。愛。晚。晴。暮。烟。生。極。浦。涼。月。滿。高。
城。歌。出。瓜。田。遠。香。聞。桂。子。清。雲。衢。遊。未。遍。鐘。漏。已
三。更。

楮山詩話荇浦潭之諸生至性過人追痛失怙
有紀哀詩百首予跋畧云性情之所流出不取
月露風雲鬼神于以感通豈但蟲魚草木友孝
穆之友興起孝思歌孺子之歌式昭孺慕紀實

也。近市一椽。鄰矍相之圃。僅蔽風雨。藉課徒謀。菽水娛母。愛弟雍睦之氣。可掬。屋角老槐樹。秋深。落葉肥黃。槭槭可聽。每招同社。角韻。予詩云。橘柚香時。客楚州。老饕同劈內。黃侯拈花覓句。愁俱釋。舞蔗藏鈎。笑不休。寒雁叫霜。三戶暮。古槐辭。葉半窳。秋都成。他日停雲想。門枕江城。湘水流。蓋用漁洋過江集中韻。而佚第一首。竹公是日新入社。故有第三句。苻浦名文壇。

江杜晚泊

五六烟村岸。蒼茫夕照間。青帘沽酒肆。黃葉釣魚灣。霜落寒生水。雲移影戀山。扁舟無底事。始覺客身閒。

贈別劉梅莊

江天聞雁唳。始覺早霜寒。吟好嫌秋盡。交深話別難。詩情紅葉冷。旅夢白雲殘。此後梅花月。相思無定端。

櫛山詩話。梅莊名玉。攸縣明經。著有紫雲山房藁。予有立冬後一日集梅莊南溟寓。詩云。檢歷冬初立。凝霜月共看。徑扶花影瘦。慙打葉聲乾。情話何其熱。詩盟詎肯寒。不應烹茗會。深夜具盤餐。又句云。說餅共圍煨芋火。探藁又費賣文錢。蓋梅莊授經于潭。貧而好客。同人偶集。雖深宵。必治具飽客云。梅莊數為予言。潭有處士李雲壑。先生者。異人也。學通天人之奧。詩有奇趣。其望南岳七言律云。鵝尾南躔翼軫分。璣衡北亘見天文。半空潔淨塗深碧。尤面微茫插亂雲。全楚衣襟。湘水帶。諸峯。臣子祝融。君心胸。摩盪。因排叫呼吸。遙從帝座問。又為誦其詠。若七

言律六十首。並超詣可傳。雲壑次嗣歸岩。以詩
文世其家。學于天文。壬乙之秘。尤得過庭精蘊。
歸岩與梅莊。礪東文字交。最久。歿而梅莊為輯
其遺文。礪東恤其遺孤。可謂不負死友。又揚湘
若廣文。卒于安仁。學署錦江。夙未謀面。為作徵
詩。啓叙述纏綿。故予挽湘岩七歌。之卒章曰。人
生何苦。為名士。口不言錢。鄙金紫。首藉闌干。冷
坐裏。却將寒餓累。妻孥不信。但看楊夫子。名士
難為。而可為。有人未面私淑之。隻雞絮酒。徵以
辭。既歎逝者。行自念。古道未泯。茲在茲。秦郎與
君袂。未把。所重區區。在風雅。何況君之舊同社。
必有墓門。挂劍人。豈無江上麥舟者。諸君行。謹
良有足多。畧綴一端。冀以激瀉。厲薄。平山
劉十。亦有句紀事云。人從生死見交情。

登辰山

雲淨辰山出。岩巖到未經。洞深潛霧黑。峯峭逼天

青。寥廓身何倚。踟躕足幾停。樵歌能引客。先度白
雲亭。

冬日過徐倬湖廉餘草堂

一徑小橋外。清幽遠市喧。人如城北美。居似瀼西
村。竹影常連榻。谿聲不礙門。粲花聞妙論。竟日靄

春温。

儲玉琴曰。諸律取法錢郎。中有可拾之翠。
櫛山詩話。倬湖名其相。其先吳人。占籍昭潭。有
聲膠庠。名與張雲池履信。徐苻浦。李花樓。萼白
琦。有昭山游記。極古雅。詩多五言。古具體陶章。
所居在鳳竹。蘭若西數十武。煙柳隄頭。谿影入
簾。竹石有致。錦江此詩。直為繪出矣。辛亥秋。棧

倬湖移竹前庭。招客賦詩。予得七言八絕句。移
得琅玕碧幾株。雨中畚鍤走長鬚。粉牆新堊光
如雪。个个紛紛披入畫。畫中紅椒滿地菊全開。種罷
簣當刈草萊。折柬便邀新舊雨。洗塵都為此君
來。不愛穠華不藉春。芳盟惟與老松親。古來祗
有湖州守。雨葉風枝寫得真。密篠攢根破蘚紋。
風掀碎玉座中聞。賺他放鶴歸來晚。錯認茅檐
有綠雲。膩粉濃青子細看。夜霜侵袂不知寒。却
嫌玉版題詩滑。剪燭新鐫字滿竿。一水黃陵望
不遙。枳花榭葉共蕭蕭。何須斑竹蒼梧路。始聽
湘妃玉珮搖。七松五柳比清操。封管還誇藝苑
豪。看取行鞭穿宿土。明年新笋出墻高。瓊碎方
塘碧影流。靜聽穆穆酌殘秋。知君不為垂綸用。
要看成龍種幾頭。越歲元正招看雪中竹。柏即
席各限二律。予詩云。雪屋春盤肅客過。簣簋谷
裏看銅柯。琅竿飽象銀龍長。香葉眠酣玉鳳多。
癖愛休迴刻谿棹。冷吟同擬杜陵歌。後凋節共
虛心節。肯為餘寒喚奈何。高士家同志士家。雪

中影勝水中斜。霜皮冷衣顛狂絮。風骨春開項
刻花。黛色青光瑤屑壓。柯亭巫峽粉雲遮。兩床
長笛盈樽酒。不擬歸途踏玉沙。一時墨瀋酒花
詩狂三五。跌宕風流思之歷歷如昨日事耳。

送別心盦之漢陽 二首有序

歲在癸丑月值圉余僕方幽憂聖室愁聽
啼鶻忽驚剝啄衡門遽傳驪唱則為黃子
心盦折柬而言計日別題襟之友揚舲而
往沿流覓解珮之姝夫三載盍簪文酒極
西園之樂一朝判襪雲山興北渚之思未
免有情誰堪此別嗟乎多金結客豈無趙

勝之憐才投轄留賓疇是陳遵之好士僕
也白駒欲繫未獲迴車黃鳥哀深無由贈
策與懷舊事頓惹新愁思白社於東林夢
繞曇雲之地悵綠波于南浦魂消梅雨之
天問後會以遙遙話臨歧而欵欵病餘雙
眼天涯之別淚難揮愁裏寸心日暮之相
思無奈折湘江之楊柳雖此際不乏雍陶
依漢水之芙蓉知斯行定逢王儉爰裁短
什謾擬贈言用壯長征聊同飲餞云爾

無○限○深○情○託○酒○杯○非○關○話○別○劇○徘徊○平○原○有○美○時○
思○繡○杜○甫○無○官○枉○愛○才○未○必○善○身○皆○護○伏○豈○真○得○
路○盡○龍○媒○秦○川○公○子○登○樓○日○莫○把○依○劉○浪○自○猜○
三○載○荆○衡○攬○勝○多○重○湖○飛○渡○興○如○何○詩○狂○更○欲○題○
黃○鶴○字○僻○休○輕○換○白○鵝○應○有○風○流○輝○鄂○渚○尚○留○月○
旦○映○湘○波○武○昌○魚○好○從○君○食○彈○鋏○無○勞○客○子○歌○

錦江自註心盦好仿漆書選有今詩所見集
櫛山詩話湘潭多騷雅之士香草美人風猶屈
宋也客是邦者亦以聲韻之學相尚其最癖吟
好客莫如朱三澗東為之提唱宗風開堂接衆
于是鑿石浦岸花亭朋賤之會幾無虛日記予
浮湘為辛亥之夏是臘錦江始歸自粵中而梅

莊適攜子遊歸攸水度歲畫友李雲圃亦同載
還衡山澗東置酒稱詩予作云將離老鳳與念
念歸度殘年有客同來鴈共期燈夜月去帆分
掛雪花風素心樺燭開高宴新雨珠江到短篷
借酒浣塵兼祖帳合離情緒一宵中閱旬竹軒
長老招饌伊蒲作銷寒之會予吟二律云柴支
品字竹鑪烟破戒燒猪費大顛半兔月明殘臘
夜徹貂裘禦小寒天盟尋方外要逾久語脫區
中見每鮮共借梅花證心迹凍餅初放朶如錢
選佛場招詩酒羣上乘叅句笑聲聞打窗風大
少乾葉壓屋夜深多冷雲觀海客添蓮社會還
山人欠繭賤分已公座上聯吟約更憶寒醴鄭
廣文第二首五六句亦指錦江梅莊結句謂楊
湘岩二丈欲踐遠公之約而未果也明年壬子
元日集礪東壘約送為主客輪集至上元期盡
平聲上下三十韻是日題為菜甲盤二日集竹
公杯渡齋寶勝佛誕日也作為等覺寺讚佛詩三
日集予寄鷗閒館竹上人以紅梅見餉即以是

命題四日雪霰微集于劉平山之斗室圍鑪密
坐賦瑞雪之什候猶是臘也平山陰人五日
集王勿竺竹江印潭兄弟滿花居和五柳先生
游斜川詩是日天氣澄和風物閒美與原題脗
合六集徐苻浦近吟書屋賦長春花人日看菊
于蔡石畔之延齡書屋予有粧添紫艷含章閣
幡裊寒香處士齋及傲霜直把春風傲始信延
年未有涯之句諸君謬以為佳穀日集王笨壘
竹本閒房看礪東呵凍寫紅蘭冊子各賦五言
四韻九日立春前一日也周春田農部自星沙
來會尹雨麓明經宅賦得土牛行處亦笙歌農
部方讀禮不賦詩為雨麓書繼求書屋額波磔
合度磊落如山鎮昏堂堂乎筆陣也是日雪復
大下明日衝寒赴張雲池村居之二雲堂賦大
紅滇茶花七言長律十韻薄暮歸而復集雲池
授經之所曰延紅攬翠書樓主人周氏昆季殊
愛客燒樺燭沉沉泥飲索賦水仙花為填簇水
一闕漏下三鼓瑟瑟踏凌歸不自知玉樓起粟

醉酌甚矣十一集蔡信盒西軒題是立春日雪中看盆蘭予四韵云光風吹燕上釵梢青鳥初鳴雪裏巢細酌香催空谷種錦盤酒宴素心交南油西漆燈初上舊墨新茶韵共敲更對東皇歌太乙湘君迎得薦蘭肴梁簡文看燈賦南油正滿西漆爭然蔡君謨云茶欲其新墨欲其舊古以黃柑釀酒名洞庭春色未知是一是二即以為題十三日徐倬湖廉餘草堂看雪中竹柏予詩二律見前十四集家岱洲之古楠亭詠浮大浮圓子詩題曰元宵煮浮圓子前輩似未曾賦句有湯官尋舊味竈婢詫新功不若范石湖燃粉團園意五字細賦慰帖上元則錦江移樽轟飲澗東壘賦燈詞八首繡陌銅街萬翠棚珊瑚寶帳奉西明東風十里潭州路一片春臺笑語聲幾家金柳玉梅廳幾處琉璃翡翠屏誰把火蓮拋萬斛雪中無閣不攢星社火村歌醉踏

冰亦逢佳麗亦逢僧追歡盡道今年好雪月光中看放燈不論蕭寺與樊樓爭燕羅萬眼球却到舞雲歌繡處衣香簾影重迴頭投瓊戲鼓各相尋十丈花開夜未深誰唱絳都春一曲當杯節碎碧瑤簪沉香火暖錦傳柑玉坼交枝歲十三今夜看燈先有約通宵不放夢江南蛤蟆意更背銀花看玉蟾星娥月姊春生座花市歌場酒污衫摠是太平真氣象霓裳不譜譜雲咸予作也低徊往事拉雜書此取便舡脣驢背風雨索居時繙閱一過如續舊游把作中湘人物志也可

雨... 意... 融... 十五... 谷... 中... 水...
雨... 意... 融... 十五... 谷... 中... 水...
雨... 意... 融... 十五... 谷... 中... 水...
雨... 意... 融... 十五... 谷... 中... 水...
雨... 意... 融... 十五... 谷... 中... 水...
雨... 意... 融... 十五... 谷... 中... 水...
雨... 意... 融... 十五... 谷... 中... 水...
雨... 意... 融... 十五... 谷... 中... 水...
雨... 意... 融... 十五... 谷... 中... 水...
雨... 意... 融... 十五... 谷... 中... 水...

今詩所見集選

卷四

古歙黃承增心盦甫輯

魯

星村安徽懷寧人盛唐山人集

黃浩浩曰近言詩者專祖清新矣究其所稱清
新者不過滑稽纖側不知其已入旁門也浣花
翁不云乎清新庾開府今庾公之集具在試思
所謂清者云何而新者又云何也知此而後可
以讀星村之詩
櫛山詩話星村家皖城中之盛唐山與伯氏研
山明府以詩文齊名時比雙丁兩到予評星村
詩境如松陰古雪明淨無塵時有仙禽引吭刷
羽而歸愚宗伯稱其清邃古澹蕭雅和鳴儲麟
趾先生贈句曰詩中有景王摩詰句下多情杜
牧之又曰昌黎欲拜孟東野玉局嘗稱蘇子由
蓋并其伯氏而評之杭堇浦太史謂其膏沃光

遠如朗玉高桐隨園先生至謂專寫性情不尙
兔園冊子專宗唐律不拾宋後塵氛此一代真
詩人也其爲先
輩擊節如此

白紵辭 五首選一

今夕何夕月如槃涼風吹衣骨珊珊請君安坐夜
未闌忍寒爲君一再彈白紵與之相盤桓

鏡銘

無我有我有我無我以形鑒心無不可

吳梅顛曰十六字可抵一部心經註又老友蘇
干之有燭銘云恒照憂危不照豫逸煒煒煌煌
以夜繼日亦
警策可傳

勵志詩 四首選二

高以下爲基遠以近爲始藝穀失芸耨不如蕘稗
美大道懸中天六籍乃根柢講貫得暇隙跌宕子
與史詞賦亦枝條游泳消餘晷譬諸羨魚者日坐
河之涘大釣則大獲小釣則小起
薄莫紛行雲皎月出其裏不悟雲西馳翻怪月東
駛所見毫釐差謬戾在千里遐哉古聖賢集益忘
彼此治金鹽可成攻玉石勿毀夏裘而冬筴易用
孰非美寸心握定見變化隨所以靜觀迺自得寄

語後來子。

京口放舟

客路宜早涼。天明出水關。竚望南城南。九華露煙
鬟。初陽淡林薄。古寺杳莫攀。昨夜值時雨。田功焉
得閒。東舍叱牛出。西隣插秧還。千村萬落人盡在。
新綠間。對此客懷釋。轉念稼穡艱。平生未負耒。何
日歸故山。

釋竹軒曰有儲之樸兼柳之雅

晚入仙人洞

古洞如空堂。清泉瀉其內。坐久涼氣深。斜陽澹相
對。螭虬長石角。蝙蝠叫巖背。不見仙人來。白雲徐
進退。

送黃嘯江歸石湖

西堂殘月落。雀噪檐端曙。念我素心人。悠悠故山
去。湖村黃葉多是君。訪秋處。

登迎江寺塔

白塢如玉笋。高插層雲上。登頓經幾折。次第窮殊
狀。漸看萬類微。斗覺孤懷壯。冥搜陟絕頂。千里憑

一望烟霞飛不高。吳楚夾相向。菱湖大似杯。皖城
小於舫。溝水視長江。卷石俯高嶂。忽憶廿載遊。勝
迹隱空曠。何當偕雲將。五嶽恣博訪。

曉起偶述

初日照我園。小立梅花右。枝上雪未消。和香墮我
袖。縱能賦新詩。已落古人後。

巴蓮舫聽泉圖照

可是黃山松蒼翠。盤雲起。雲際落飛泉。繚繞穿樹
底。妙從無聲中寫出。有聲理對君寂。無言我亦將

傾耳。

大洪嶺

數里緣山。礧礧斷續。以橋度橋。曲復曲。山風衣袖
飄。杖策踏雲。往雲氣生山腰。層巒擁竹木。一一皆
瓊瑤。飛步忽左右。雲移山動。搖空亭。構絕頂。岌業
摩青霄。衆山紛四出。起伏凌長廳。有如白浪捲湧
作錢塘潮。我未觀黃海。茲行樂已饒。

青陽道上望九華山

仙雲離合。江之涯。中有九十九。朶青蓮。花微茫。鐵

氣不可辨。但見天香幾縷空中斜。後峯似挽前峯。住東雲忽逐西雲去。來村陰雨去村晴。一鞭高詠青陽路。

周文矩詩意圖卷

我如程子不識畫。畫本偶向詩中搜。稽康四字王五字。雲心霞想無不至。何年顧虎頭。手揮目送圖滄洲。又聞王摩詰。朝川飛動蘸彩筆。平仄不到丹青傳。詩意都從畫意出。周郎繼起興清閒。十日一水五日山。太白不作少陵死。收拾詩律冰紈裏。三

峽七澤十二峯。萬丈光芒吐蒼紫。乍拂微風楊柳疎。又看初日芙蓉起。天遣裁詩作花骨。剪紅刻翠紛成綺。圖中詩社曹入室。王粲登樓忽倒屣。潘陸坐廡劉升堂。更雜騎驢孟夫子。相顧大笑壓元白。八代騷人聚于此。臥遊味在酸鹹外。織襪簡古世無比。譬諸結字穩且勻。棘句鉤章空譎詭。李益征人鄭谷漁。留傳那得相媲美。我從畫裏覓新詩。詩卻無聲畫有之。書罷捲圖拭雙眼。江天漠漠鷺飛遲。

楊田村曰純用活筆。不參死句。故妙。有乍拂四句便韻。不爾則枯。

方秀才見過偕往段氏書齋看菊

閉門不覺三日雨。愁到欹菊花初吐。今午西南雲乍開。幾人執手尋花來。爲言北郭得佳種。乘興便可賈餘勇。那知前路欲黃昏。且隨新月來名園。段老大笑自秉燭。繞欒細認花盆盆。春日繁葩閤無色。秋夜嚴霜任相逼。此種君從何處移。我輩願從君乞得。主人謂客且謗誇。老夫愛葉勝愛花。

三山夾晚泊

又到三山下。吟懷寄遠天。繫船江吐月。當暑夜鳴蟬。碧樹藏茆舍。蒼葭接芋田。無心羨頑僕。倚枕卽成眠。

宿隣華庵

樹密秋聲雜。門空夜氣凝。荒村初罷雨。野店尙明燈。活活谿中水。閒閒物外僧。更闌清不寐。微覺薄寒增。

題夾山禪院

寺與秋雲澹。山隨曉氣涼。細泉縈亂石。深竹閉空

堂。禽語。依人近。茶煙繞佛香。登高極遙目。平野色
蒼蒼。

滄浪亭同家弟稼石用韻

攜手滄浪上。空亭入翠微。古人不可作。野鳥背山
飛。石逕盤林杪。谿雲落客衣。悠然一聲磬。步月詠
同歸。

焦山翫月

極目無纖翳。寒蟾空際飛。江光動山閣。梅影上僧
衣。巖壑檻前靜。星河天半稀。漁歌何處起。古渡夜

船歸。

夜坐懷胡澹中明府

兀坐少塵想。淡然水石間。松陰上涼月。夜氣滿空
山。老鶴寒交警。浮雲去獨閒。永懷黃海客。寂莫閉
柴關。

病起

倏有題詩興。方知病就輕。黃花香貯枕。紫蠟美和
羹。檢帖晴窗靜。烹茶夜月明。砌蟲如爲我。細細作
秋聲。

如圖書事 十首選四

冷暑無多地。蕭齋小有天。蟬鳴新雨後。花妥曉風前。
路向清池轉。門隨古木穿。登樓時極目。高見萬家烟。
啟戶當涼吹。谿邊樹影垂。貓迎落花戲。魚負小萍移。
閒對坡仙帖。長吟杜老詩。侍童偏解事。羽扇每相隨。
山逕落霞明。登臨無限情。烟橫分小市。江遠接高城。
京口帆檣晚。瓜洲蘆荻晴。客中閒着屐。聊足慰

平生。烏宿竹林靜。魚跳荇葉新。挂衣藤拂地。移席月隨人。
隱約山亭小。崔嵬郡郭隣。今宵飽幽意。差不負吟身。
同稼石訪桃源庵。因登鳳皇山頂。忽見林間寺。秋山落葉時。
逢僧談往事。對鞠得新詩。石逕當門曲。晴雲度嶺遲。
相攜游絕頂。湖水寄遙思。

烏谿

閒澹湖村意。扁舟興獨乘。板橋平葦葉。草屋上瓜
藤。鷺背征帆起。煙從遠樹升。蒼茫斜照裏。蕭寺見
歸僧。

同姚沁園過阮岑碧齋步月而返

高林不礙月。清影滿柴關。攜手雙塘去。城頭見遠
山。露餘涼夜淨。風外幾人閒。歸路聯吟久。鐘聲出
寺間。

歸皖途中雜興

岸柳風鳴葉。雞聲古鎮邊。榜人勤喚侶。寒夜早開

船。帆掛月華滿。櫓搖霜氣連。鳩茲聞已到。柝響五
更天。

看書眼最晏。畏冷起常遲。惡食舟人笑。新詩侍僕
知。驛程憑古戍。酒店望斜旗。好是前山色。蒼茫坐
對時。

寒山紅落日。漁舍碧炊烟。遠岸無高樹。長帆挂半
天。酒懷常浩蕩。詩興忽纏緜。舊縣行來疾。星邊墮
影懸。

茫茫六百丈。浪影蹴空來。風長江豚起。天寒塞雁

迴斷雲逐帆轉遠渡向林開到岸鄉音近停舟問野酷

夜發大通

枕下水聲喧舟人夜放船推篷進寒月擁被對霜天遠岸漁燈細平沙樹影圓翦江風力勁一雁叫雲邊

雞子嶺

澗水巖邊合晴光雪後殊眾山為竹有一徑入雲無破寺殘僧住空亭野鳥呼遠天星漢出暝色漸

模糊

傍溪寺曉起次韻

夜靜鐘聲起窗開樹杪齊山盤城內外水繞寺東西塔影望中短烟光抹處低故人別經歲客舍好分題

櫛山詩話寺在吾歙城中烏聊山上星村又有句云雲氣低橫足下屋溪聲響到城中山寫景逼真與右作領聯自相發明星村來歙恒寓此寺與予定交在己亥之春後十年星村以明經銓任吾郡教授未幾生埋玉樹選詩至此不禁掩卷潛然

柳溪晚步

今詩身身選
小谿閒步嫩涼天。北固西來暮靄連。沽酒店開紅樹下。賣花聲過翠簾前。乍聞鐘梵尋僧寺。偶憶江魚上釣船。底事夜遊拋不得。正逢三五月初圓。

登銀山憩清寧道院

石磴高盤挂夕曛。遙空雁影正紛紛。半岩百尺松平足。絕頂一聲鐘出雲。秋色滿前吳楚合。海潮歸後水天分。仙家雞犬今曾見。不與凡夫下界聞。

甘露寺同柳春亭作

尋詩畢竟向名山。月澗雲房路幾盤。鍊甕酒香秋共醉。石帆風落曉初寒。過橋瀉瀉驚人起。入座芙蓉隔水看。萬里吳天閒縱目。一聲漁笛倚闌干。

蓮花洞

榆栗蕭森石逕紆。偶來古洞學僧趺。秋花絕壁開紅白。雲氣空山忽有無。廊下飛颺驚客起。礪邊怪鳥度藤呼。興酣更上層巒頂。眼底微茫辨越吳。

抵旌德

霽色今朝得未曾。橫空低見淡烟凝。霞明遠岫排紅雪。草汎前溪結綠冰。噉芋不妨親野老。乞茶原

可向高僧。僕夫指點層城近。翹首天涯曉日升。

楸山詩話盛唐山人集摘句解纜星移水推篷
月入船沙明初上月水淺漸歸湖棋聲花下榻
人語屋邊山菱花難受蝶荷葉恰藏魚星河江
上路燈火樹間却風竹不留雪冰池時集鴉雲
光流樹疾雷響入江虛落霞濃忽淡飛雁合仍
分湖喧歸晚雁人雜聚江船竹色著衣綠池光
入月虛晴日最宜麥霜風不礙松右五言積雨
頻添千澗瀑新晴忽掛一江帆春田牛背雅爭
落野店牆頭花亂開斜陽老樹半邊雪曲港迴
橋幾折冰烟色綠浮前岸柳水光紅入半天霞
不碍星光雲氣薄忽流波影月華清地暖秋花
留雪後天晴遠岫出江南終日水禽荷葉上隔
籬山犬竹陰中城低窻裏見江水屋小座邊圍
菊花右七言

卽景

裏。圓月升前林。疎影散谿水。坐見溪水光。漾入空林裏。

晚步

上。暮出城南門。路轉忽東向。新月如故人。已待溪橋上。

江行戲作

風。登舟畏風逆。江干笑老翁。不有逆風者。安能有順風。

旅思

三月違親舍。舟行千里餘。客途風浪惡。不敢入家書。

晚景

圓月上東郭。照見池西樓。樓中笛聲起。樓下水悠悠。

病起作

綠桂不冬凋。新月一鈎上。清影寫窻紗。寒宵臥相向。

繁昌江上卽目

前山飛雨後。山晴一抹人。煙晚樹平爲我移。舟就蘆荻隔江涼。月已東生。

績溪道中

白沙南去谿流緩。翠巘丹崖雪漸殘。偶立石橋看飛瀑。長冰千丈逼人寒。

抵桂林村憶洪杭原

三十年纔到桂林。故人不見孰相親。生前屢有黃山約。忍見黃山不見人。

樵翁

題籠中鳥

飛鳥各任性。翱翔喜天空。與世本無忤。隨意西復東。如何貴公子。羅致搜潛蹤。垂翅就拘束。俯首居牢籠。諸雛望歸哺。雌寡悲其雄。飲啄不自遂。仰面看狡童。有枝足焉託。有翼霄難冲。莫謂毛羽美。因此灾我躬。莫謂聲音好。無奈鳴苦衷。辨語公冶往。罔聞耳若充。緬彼燕雀輩。高舉隨晨風。暮宿王謝堂。朝入芳菲叢。一呼集羣友。一飯飽百虫。環向獻

我嘲使我憂。心忡善鳴禍。之胎不才福。所宗脫鞴。羨鷹矯。鍛。翻。憐。鶴。窮。身。雖。楚。囚。等。志。在。青。雲。中。其。防。有。時。決。直。上。摩。蒼。穹。請。君。拭。目。視。燕。雀。胡。能。同。

釋竹軒曰。從香山樂府來。音節合。刺。又曰。傷之耶。惜之耶。誤遭羅罽。伍燕雀者。讀之如何生慨。

靈澤夫人祠

鯨魚跋浪高峨峨。夫人滅頂同懷沙。香魂長繞錦城月。血淚幻作蕪湖波。石啣精衛填巨壑。橋崩烏鵲空銀河。兩君之衷天不誘。玉帛轉為兵戎藪。蝸角誰憐鬢觸爭。鳳樓永隔羸簫偶。江流駛若崑崙

源○千○尋○難○洗○胸○中○冤○望○夫○不○見○化○爲○石○陽○侯○水○底○
驚○拋○擲○滄○海○有○時○成○桑○田○此○江○終○古○魚○龍○眠○蜀○道○
難○于○上○青○天○靈○旗○飄○渺○生○秋○煙○浩○氣○直○吞○九○雲○夢○
朱○欄○碧○瓦○輝○清○漣○嗟○余○作○客○偶○過○此○抗○懷○往○事○心○
茫○然○江○邊○日○暮○草○蕭○索○風○鼓○濤○聲○夜○猶○哭○龍○髯○攀○
斷○鼎○湖○隈○斑○斑○血○染○臨○江○竹○

黃谷音曰凄音亮節
中用古句。鑪錘天成。

杜十姨歌

世○間○丈○夫○不○少○妾○婦○態○朝○羸○暮○楚○薦○寢○儀○秦○輩○復○

有○司○馬○畏○蜀○如○虎○狼○諸○葛○貽○之○巾○幘○羞○形○穢○胡○爲○
杜○陵○老○拾○遺○錯○認○十○姨○列○眷○騰○更○有○好○事○摹○姣○容○
妄○把○儒○冠○易○環○珮○鼠○將○璞○呼○鹿○還○馬○對○於○戲○物○何○
足○恠○人○則○奇○其○然○豈○然○發○感○慨○况○公○嘯○歌○一○世○雄○
睥○睨○臯○禹○兼○夔○龍○牧○豎○芸○夫○識○名○姓○騷○壇○俎○豆○干○
秋○崇○不○學○無○術○誰○氏○子○遂○令○冒○昧○乃○如○此○豈○因○俗○
言○生○男○不○如○生○女○好○須○眷○往○往○誤○被○詩○書○老○公○脫○
奴○顏○婢○膝○隨○時○人○驕○貴○寧○減○楊○太○真○江○頭○那○用○吞○
聲○哭○炙○手○可○熱○勢○絕○倫○香○車○寶○馬○出○入○天○子○殿○阿○

姨呼來不止韓魏秦夜絃調鳳瑟朝宴餐猩脣瘦
妻面黃兒不襪自苦乃爾徒傷神生爲詩史偏偃
蹇死貌紅顏轉通顯試看浣花谿上草堂空燕泥
落盡餘蒼蘚是非顛倒古來有優孟衣冠何足辨
君不見姑射仙形若處子常蹠蹠留侯張狀如婦
女傳芬芳音同字異名固謬將假作真姓猶舊嗚
呼將假作真姓猶舊爲公一笑公當宥

程量卿曰極詼諧題寫得灑瀚凝重良由學富
筆高使滑手爲之便滿紙滑稽俚而傷雅矣

鴉兵行

陣蛇氣勢常山驕戰象走險昆陽鏖風聲鶴唳驚
破膽馳驅鴛鶴雄前茅烏鴉微物力有幾能隨大
將麾旌旄孝肅生當太平世干戈載戰弓矢橐庭
可羅雀民安堵組練焉用及羽毛厥數却與虎賁
類流傳父老兼兒曹曾聞啄啄疾讒佞更喜馳獵
隨英豪公之正直既異衆烏亦有靈羣相邀左翼
右翼儼護衛分哨會哨如同袍魚腹浦邊石可比
尋常貌休胡足衰鷹揚不過竊形似化鶴徒厄元
黃交朝來暮去陣雲黑至今猶聽音嘒嘒晦翁編

今詩所見集卷之六
史未及載闕同夏五疑難銷斜陽枯樹荒城裏誰
憐攫肉風蕭蕭

晴臯自註曲陽縣署每夕有烏雅數千頭繞樹
飛鳴俗傳包孝肅公所豢目爲三千烏雅兵語
甚荒唐然宰之休咎卽以雅
之去留爲卜則亦有異焉

雪夜示魏四懷珍駱四紫翹

尖風闖幙枯枝鳴燈昏破壁影與形千里萬里家
何。在。一。更。兩。更。夢。不。成。坐。擁。衾。裯。冷。於。水。庭。前。堆
雪。寒。無。聲。去。年。骨。肉。喜。團。聚。西。山。笑。對。雙。高。崢。柴
溫。品。字。新。釀。熟。封。胡。過。未。聯。詩。盟。白。戰。不。許。持。寸

鍊。鶯。翎。柳。絮。空。多。名。今。年。作。客。皖。城。裏。閉。門。索。句
風。淒。清。僵。臥。袁。安。甚。無。賴。依。劉。王。粲。難。爲。情。敝。裘
筋。鍊。秋。隼。健。饑。軀。瘦。比。黃。鵠。輕。幾。度。欲。歸。歸。不。得
誰。識。解。愁。愁。轉。生。幸。有。知。交。二。三。輩。相。逢。一。笑。肝
膽。傾。曉。看。梅。花。影。千。尺。與。君。跨。馬。遊。郊。坰。

次韻曹學使麗笙齋居之什

老屋書支書作障敝裘不怕風威壯霜毫呵凍蠅
頭攢雪案偷光鷹眼向詩債尋常主易逢硯田豐
歉租誰餉行腳已徧江湖村愁腸欲浣梅花釀青

衫落拓。鬼揶揄。傲骨崢嶸。人訕謗。秋高恨暴登。龍
腮歲暮幸。厠談經帳。歌嘯九天仙。樂飄詼諧四座。
惠風暢。門外無聲玉屑堆。詩成肯把金樽放。

遊靈隱寺

古刹樓臺迴。諸天歲月長。雨沉山靄白。日落海雲
黃。曾卓神僧錫。猶傳桂子香。到門雙眼豁。巒翠潑
衣裳。

秋登一覽亭

雲斂千峯出。亭高一覽收。疎林風餞葉。落日水要

秋。人語空岩答。天光隔浦浮。砉然開眼界。嘯傲寄

滄洲

仙岩洞

湖上一峯秀。雲間雙屐輕。晚鴉兼嶺色。風樹雜谿
聲。紅葉分深淺。黃花耐雨晴。遙聞鐘磬響。幾點暮
煙橫。

病感

老樹鳴枯葉。淒風狎病身。倦談嫌客至。勿藥為家
貧。月白寒欺幌。花黃瘦逼人。何年能捧檄。一笑對

雙親。

紫雲洞

一。綫。天。光。漏。千。尋。地。勢。迤。山。空。晴。亦。雨。林。密。暑。疑。
秋。氣。似。函。關。至。煙。同。媧。竈。浮。塵。襟。俱。擺。脫。長。嘯。萬。
峯。頭。

葉榴村日似青蓮。

山行

山。花。紅。炙。水。汀。草。綠。粘。天。輿。影。波。心。過。泉。流。石。腹。
穿。野。田。惟。火。耨。村。屋。只。蘆。編。僕。僕。風。塵。客。何。時。得。

息肩

九日登迎江寺塢

木。脫。萬。山。秋。長。江。日。夜。流。帆。檣。時。出。沒。天。地。共。沉。
浮。鴈。影。衝。斜。照。鐘。聲。度。遠。洲。滂。嫌。風。落。帽。身。在。最。
高。頭。

王竹坡日看似衝口而出實費銛液識得此方許他讀浣花老人秦州以後詩也。

途中口占

別。路。無。遠。近。出。門。卽。非。家。疎。林。橫。夕。照。孤。鴈。落。平。
沙。嵩。影。干。霄。直。河。流。界。地。斜。望。雲。遊。子。意。極。目。向。

天涯。

汪艾塘曰界字下得妙。詩貴句中有眼以此。

甘露寺

昭。堯。古。刹。冠。丹。峯。勢。壓。吳。疆。翠。殿。重。絕。巘。松。楸。圍。
日。月。大。江。風。雨。起。魚。龍。劍。痕。斷。碣。荒。苔。蝕。馬。迹。危。
坡。募。草。封。迴。首。英。雄。何。處。是。年。年。暮。鼓。與。晨。鐘。

釋竹軒曰三四直可嗣響大樽並驅北地

宿京口

卸。帆。閒。漱。晚。江。清。烟。水。迢。迢。一。望。驚。木。落。天。空。秋。

已。老。鬣。鳴。岸。動。月。初。生。城。圍。缺。舊。寒。潮。打。路。入。金。
陵。客。思。縈。欹。枕。篷。窗。虛。掩。處。忽。聞。孤。雁。兩。三。聲。

鄭鴻亭曰起得又別。

洛下懷古 十二首

渥。水。西。流。礪。水。東。車。書。萬。國。此。來。同。縱。橫。龜。馬。文。
明。燦。盤。踞。山。河。氣。象。雄。幾。處。樓。臺。餘。斷。碣。九。朝。歌。
舞。散。秋。風。滄。桑。棋。局。憑。誰。筭。感。慨。興。亡。是。洛。中。
驪。山。一。笑。啟。東。遷。非。復。攻。車。蒐。狩。年。窺。鼎。秦。王。潛。
肆。毒。取。禾。鄭。伯。早。移。權。會。朝。堂。廢。游。麋。鹿。避。債。臺。

荒○泣○杜○鵲○九○廟○神○靈○元○宰○奠○幾○迴○洛○誥○誦○遺○篇○
痛○恨○桓○霧○恃○太○平○芒○山○車○騎○走○雷○聲○司○徒○討○賊○身○
偕○殄○丞○相○匡○王○國○漸○傾○淚○下○金○人○三○殿○去○春○歸○銅○
雀○五○雲○生○可○憐○迴○首○麒○麟○閣○颯○爽○英○姿○畫○不○明○
魏○公○神○武○馭○英○豪○欲○學○周○文○薄○伐○勞○坐○擁○九○州○才○
定○鼎○夢○驚○三○馬○已○同○槽○青○槐○道○上○風○如○剪○金○獸○門○
前○草○似○袍○只○有○靈○芸○留○唾○點○玉○壺○記○取○比○櫻○桃○
沙○起○驚○飈○萬○里○狂○有○誰○舉○手○掃○欃○槍○季○倫○豪○富○羅○
臺○榭○夷○甫○風○流○說○老○莊○碧○血○侍○中○能○護○駕○青○衣○天○
子○爲○行○觴○蝦○蟄○雨○後○聲○猶○壯○歎○息○華○林○事○渺○茫○
馬○肥○草○淺○陣○如○雲○蹀○躑○河○南○早○歲○聞○朝○士○風○華○羞○
佞○佛○君○王○儒○雅○愛○崇○文○經○鑄○壁○水○留○貞○石○婚○奪○瑤○
光○巖○翠○裙○惆○悵○珍○珠○何○處○覓○洛○陽○宮○闕○起○塵○氛○
乍○徹○投○籤○韻○未○消○頓○令○翦○綵○樹○生○嬌○迷○樓○曾○破○千○
家○產○春○色○猶○勻○萬○柳○條○可○有○瑤○花○開○上○苑○更○無○螢○
火○照○寒○宵○輝○輝○拋○卻○揚○州○月○腸○斷○行○人○廿○四○橋○
禍○水○狂○瀾○沸○洛○濱○王○孫○燕○啄○勢○非○倫○宮○花○齊○放○天○
無○主○神○器○終○歸○國○有○人○紫○殿○窻○虛○來○皓○月○黃○臺○瓜○

盡護殘春如何聖主忘殷鑑檀板霓裳曲又新
朱三作帝事如何曾與黃巢列鸛鷺燕處君臣忘
馭朽鶉奔骨肉競操戈叅班供奉腰難屈及屋仇
人矢更多函首淒涼歸祭後煙寒荆棘臥銅駝
尋仇匹馬事長驅還矢先王奏績殊天子英雄方
脫劍伶人刺史已分符繞梁裊裊清歌細揚水磷
磷白石粗相顧歔歔虛兩行淚昔何智勇後何愚
玉魚金盃出荒邱慘淡煙光草木愁萬古鼎彝隨
瓦礫諸陵風雨泣松楸山仍作態陰晴變水自吞

聲○日○夜○流○策○蹇○前○村○何○處○宿○涼○颼○簫○瑟○上○蘇○裘○
嵩○峯○岬○律○接○天○梯○立○雪○門○前○翠○欲○迷○吾○道○仔○肩○程○
大○小○人○文○聲○價○陸○東○西○耆○英○洛○社○猶○堪○溯○草○木○平○
泉○莫○湧○題○索○句○敢○誇○令○希○貴○為○憐○陳○迹○重○羈○栖○

周醒愚曰格調
工整且見三長

木瓜

東○陵○別○種○子○離○離○飭○取○園○丁○候○較○遲○一○樣○洞○庭○霜○
點○後○十○分○秋○色○鴈○來○時○深○情○湧○等○黃○臺○賦○永○好○還○
如○紅○葉○詩○釀○就○鶯○兒○杯○底○酒○箇○中○滋○味○有○誰○知○

白雲

好。白雲向空浮。澹澹翳蒼昊。出山不能雨。何如在山。

月夜聞笛 二首

水浸樓臺暑氣消。碧雲淡淡捲層霄。幾聲玉笛三分月。賽過揚州廿四橋。
關山到處月華新。風欲要秋露浣塵。折柳莫吹君記取。為憐俱是別離人。

俞仁

舊橋安徽歙縣人。染衣閣詩鈔。

櫛山詩話。舊橋所居。負北郭。面練江。營草閣焉。額曰染衣。猶記戊戌。上巳。招予暨蘓子之。吳梅顛。魯星村。修禊事。于此。墨瀋酒痕。極友朋文字之樂。後二十年。予倦游歸里。諸詩老既奄逝。已久。賸與舊橋。鈎簾川上。話舊。停盃。為長聯。百四字。誌感云。四三客。曾此盤桓。經幾番。碧草綠波。最難忘。座中裙展。水上歌絲。泛字。篙新漲。桃花儘教儂。狎浴鷺。數游魚。浪蹙靴紋。凭闌醉脫春衫。浣二十年。揭來延佇。覓前度。雪泥鴻爪。渾不見。天寶風流。永和人物。剝一樹舊栽。楊柳。閒與子。看撈鰕。聽吠蛤。魂銷。甸線。卷幌。愁將。冶葉攀。又舊橋。有蘆花。被詩。黃蘆。秋老。花如雪。襍被裝。來軟。勝。綿一枕。秋聲。無覓。處。楚。航。清淺。碧灘。邊。風格。絕似。楊廉夫。

閒居有懷

兩版掩蘿薜。僻居贅谿灣。坐我溪上樓。看此雲外山。澄霞澹將夕。倦羽投林還。撫時念同好。翻令不得閒。

吳梅顛曰
旨趣清遠

新安江自階口至山港石盡仇池灘皆灩澦

壬子秋杪歸舟上瀨口占十六韵聊誌急

湍奇險也

泛彼新安江。灩澦一衣帶。深擬射蛟潭。淺若投金瀨。流沙瀉潺湲。激石響澎湃。沄沄浸雲根。漨漨雜

松籟。灩澦與仇池。奇險同一派。未受祖龍鞭。應下米顛拜。或同魚腹積。立陣鎮疆界。又疑天設關。要領扼其隘。戈矛伏船底。河伯蓄機械。牽舟上瀨難。放溜過灘快。尖舳薄如紙。觸險弗知戒。灘流石不改。行旅嗟老大。秋涉遂幽賞。目給難揀汰。水經有遺漏。未足盡靈怪。一灘一題詩。走墨恣霧霏。

舟阻東館

歸舟阻巖瀨。閣淺同石尤。卸帆待谿漲。東館三日留。天公恤羈旅。夜雨添新流。一川富秋水。鼓柁行

夷猶羣灘沒水底。巨艦輕可浮。推篷眺以吟。逸興
凌滄洲。計日抵歙浦。歸心隨派鷗。客懷誰與言。極
目孤鴻秋。

曉行

陰崖雪未銷。沿溪路紆曲。侵曉斷人行。水澗漱寒
玉。雞鳴冷霧開。孤村轉山足。

汪肯堂曰瘦削似閩仙。

染衣閣雨後作

雨餘洲渚靜。澄波綠于染。沙禽時一飛。遠樹雲猶

掩。草閣深柳中。清陰生几簞。

魯星村曰神致澹澹。

夏日

雨止北窓涼。微潤芙蓉席。半池荷蓋欹。滿地桐陰
碧。之子期不來。孤吟坐苔石。

木蓮花

花開獨黃海。根非生綠水。枝枝敷玉盃。朶朶綻瓊
蘂。異彼若耶谿。采采來西子。鼻觀叅妙香。神仙時
徙倚。趺坐見文殊。頗得清淨理。我來花未開。嘉樹

已芳美。落墨託徐熙。畚歸十丈帟。

白雪樓

白雪樓頭月。玉屏山外霞。幽人時獨往。曲塢日初斜。池館銷殘暑。微明對水花。

沙谿

踏沙乘嫩霽。蠟屐不須攜。水滿白喧碓。柳深涼蔭隄。鷺飛芳草外。人過板橋西。

過黃心盦來禽書舍分韻得破字

蕭辰過華屏。素心欣在座。為我開南軒。掃石蒼苔

破。林。檜。葉。漸。疎。金。風。一。以。播。吟。罷。俱。嗒。然。蟲。語。時。
一和。

周蓉衣曰舊橋五古。長于短兵。靈空澹繡處。自是鹿門文房門庭中人。

懷心盦湘中

秋風颯已至。暮雨何凄然。卧病練江上。懷人湘水邊。閒情踈酒盞。憂思託水絃。一榻蛩聲裏。挑燈夜不眠。

釋竹軒曰自然合拍。

揚州

吳船似黃鶴。載我上揚州。隋苑二分月。蕪城一度遊。水邊多畫舫。花外有珠樓。可惜忿忿過。空期十日留。

祭詩 四首選一

怡人泣鬼復驚天。風雅原堪一代傳。敢謂調高同白雪。須知吟苦愧青蓮。唐瓢寂寞隨流水。杜藁飄零失舊編。今夕案頭陳酒脯。五窮相送去誰邊。

緒山詩話王子除夕予自星沙廻棹湘潭赴朱三礪東祭詩之會即席倚聲賀新郎二闕云舊歷撇完了尙招邀朋儕選韻君真酷好昨作定王臺畔客三十六鱗飛到囑嘉會歸來及早便

買蜻蛉舟一葉。趁春風夜掛蒲帆飽。欵竹屋。怡天曉。米逋煤券休薅惱。且同人傾囊盡出。今年詩藁清醴三升肴。四簋齊把詩魂犒。我亦是苦吟瘦島。破帽殘衫行策蹇。客長安幾闖公卿道。渾難遇韓京兆。特向詩神禱。願同盟新年吉。利吟情倍好。一歲會須三百六。次第風細月討。各著出等身之藁。銷耗精神離腎胃。筭吾儕祇有詩堪寶。名與利底須道。南枝爛漫紅冰早。又池塘碧拖新水。夢迴春草。我以迎神送神曲。譜作銅琶長調。重酌酒花前祝告。煩把癡歌齊賣去。更灰堆如願。呼來到。看窮鬼跡如掃。周春田農部。見而擊節。謬謂僕是湖海樓忠雅堂替人。後六年。選舊橋詩。根觸舊事。附銀拙詞。又舊橋句。如過老竹嶺云。虹。殘。千。嶂。雨。松。響。半。天。風。題。觀潮。畚云。最。奇。秋。八。月。爭。鼓。雪。千。堆。探。梅。云。崔。栖。三。逕。雪。松。護。一。谿。雲。黃。山。看。鋪。海。云。浮。天。成。巨。浸。拔。地。失。奇。峯。春。晚。雨。晴。云。小。閣。聽。殘。三。日。雨。孤。篷。吟。破。一。春。寒。秋。雲。云。幻。知。世。事。渾。如。此。

薄比人情未必然雁字云為章有意賡
雲漢作賦何妨屬子虛並有味外味

陳珪 蘭莊湖南攸縣人秋水山房集
楮山詩話蘭莊詩秀倩婉澹本之性情在唐賢
中最近劉文房李嘉祐非極意摹仿者比惜其
不列承明著作尚以明經傲睨林泉無騷人之
哀怨有達士之襟懷治世之音也與劉玉梅莊
為內兄弟里同學同明經同于詩文書法無不
同劉有紫雲山房集行將彙選合璧以廣其傳
秋感 四首

蘭權停湘浦。茆檐就橘園。夜聲秋在竹。水色月當
門。天影亦何曠。客心寧有喧。隔離見煙火。幽絕似
漁村。
秋月殘猶好。清宵久始知。風簾花上壁。霜樹鳥低

枝市靜剛三鼓。心微到一絲。古人紛在目。天海渺前期。
雁聲秋不到。蒼翠鬱孤霞。怪得舟中客。難忘夢裏家。
世情三尺劍。古色一籬花。吾亦權湘水。登之攬月華。
夜永清如許。月華天又霜。四山空鳥跡。一水澹琴
牀。人愛鬚眉古。詩爭骨氣蒼。宵深聞緒論。花影上中唐。

談炎衡 禮園江蘓長洲人二瓢吟草

楮山詩話二瓢為沈歸愚尚書詩弟子及與沈方舟李客山朱木為盛青樓諸詩老游復與隨園老人揚榷風雅而獨因心師古謝絕品流刮抉浮華力崇正始蘭秋多紫石氣自青于時撫葉木葉盡脫二瓢詩境有焉使置舊雨詩人集中洵堪別樹一幟

暮相思

日暮花含煙。月明花弄影。孤館易生感。盼睐情耿耿。坐憶素心人。清磬一聲冷。

范瘦生日首二句貫穿得妙

林園晚霽

雨歇夕陽明。園林漬膏沐。碧雲何容與。霽色清塵服。歸鳥聲相求。墟煙斂樵牧。曳杖柴門下。遠峯時極目。

戴葯坪曰。欽字險而穩。并畫不出。

花徑

曲徑藹春芳。和風散繁綠。幽人曉起看。紺字翻清旭。清香浮縞袂。秀色延我屋。斜動護花鈴。雙燕低飛逐。

查牧萊曰。頗得韋柳風致。

閱南華經

夢覺遽然適。清風颯羅幌。展卷閱南華。心神彌曠朗。逍遙天宇空。寓言一何廣。玩索貴有得。集虛恣偃仰。入世與出世。道術本無兩。遊目屏繁慮。悠然契元賞。據梧吟高風。漆園猶未往。

唐心畹曰。說得有分寸。

售去紫霄列斗硯志感二首

嫁女復嫁硯。貧士心獨苦。女嫁願為家。相攸異得所。硯去何日歸。哦詩增悵懣。握別重摩挲。劇於嫁

嬌女。默默。不能言。星眼。淚如雨。

二瓢自註冬間嫁女汝南中懷依依今售是硯幾同此情

薄田供饘粥。新穀佃自飽。家貧無長物。賴有硯爲寶。賣田不能售。賣硯不及老。青眼淚鸚鵡。星斗仰穹昊。筆花不我助。墨香空幽抱。新知締松含。去去勿復道。

二瓢自註歐陽文忠云玩而老焉硯之背面俱有活眼聯綴天然似列斗有馮海粟銘詞助我筆花云云今歸松含堂潘氏

袁簡齋曰二作極有性靈首作一起尤生新

未。晤。閉。關。僧。先。看。滿。園。竹。豆。花。延。綠。蛙。蟬。聲。集。古。木。一。揖。揮。塵。談。相。對。煮。茗。熟。新。詩。冰。雪。寒。載。讀。消。煩。燠。予。非。襪。馱。子。尋。幽。惟。野。服。後。會。訂。何。期。吟。秋。還。就。菊。

梅花落

天風首花信。吹開南北枝。冰雪滿空山。暗香人未。知。涔。涔。青。雨。花。梢。滴。驚。起。高。樓。一。聲。笛。世。上。繁。華。都。若。斯。羅。浮。夢。覺。何。能。覓。

葉榴村曰著墨無痕却似太白

龍潭曉月

迢迢龍潭驛。曉行月下弦。四山迷翠靄。一路澹秋煙。客夢鷄聲喚。詩情驢背傳。聯鑣此地過。若箇着先鞭。

范瘦生日最周整完善之作。

訪梅

白雲空谷滿。一徑逗疎香。幽趣忽焉得。芳魂不可藏。相思勞入夢。索笑興初狂。吟遍春風裏。歲寒要久長。

二瓢自註要字。平聲讀。袁簡齋曰題爛語超。

月下觀荷

攬衣起夜半。花月蕩吟魂。玉鉢金波洗。銀蟾香霧噴。不禁風露冷。那有蝶蜂喧。清景偶然遇。呼兒細與論。

戴葯坪云一起便得神。詩貴靜悟耳。

春分日徐三雪樵移樽松隱草堂讌集卽和

李丈耘圃韵

九十中分候。徐陵別館招。梅花香繞屋。春水漲平

橋。刻。意。傳。神。韻。無。聲。寫。氣。條。連。篇。還。迭。詠。長。日。易。容。銷。

二瓢自註時讀諸子可竹居看梅詩及雪樵所畫墨梅

新蟬

漸。見。桐。陰。合。初。聞。嘒。嘒。聲。居。高。愁。力。怯。飲。露。覺。身。輕。銷。夏。門。長。掩。先。秋。意。已。清。乘。時。聽。自。噪。匪。是。不。平。鳴。

程執齋曰三句欲然自視之意四句謂染腥膻者累身矣此等題從遠處寫故有神韻不腐也唐心畹曰學養俱到之候故能得此靜息

送春

倚。樓。無。語。更。依。依。聞。說。天。涯。春。又。歸。乍。雨。乍。晴。花。半。謝。相。呼。相。喚。燕。雙。飛。仙。山。何。計。留。長。駐。塵。世。無。端。容。易。違。沈。約。多。愁。徒。自。瘦。短。歌。一。曲。感。人。微。

楮山詩話竟體春容塵垢自遠樂府有短歌行言當及時為樂結意指此

鷺峯寺秋柳

白。下。秋。逾。淨。花。宮。踈。柳。橫。攀。條。無。限。意。愁。聽。暮。蟬。聲。

畫舂鳥 二首

紅樹夕陽低畫眉山上啼好音頻送耳不減聽黃鸝

范瘦生日髣髴唐人打起黃鸝兒之作

未能捫巧舌遂爾困樊籠寄語高飛侶禁聲林樹

中王印潭日所以致傲者切矣

除致傲者切矣

文室天花墮天人歡喜餘最憐詞客過結習未能

妙香閣妙香閣

妙不關文字心清聞未聞攝衣上高閣香氣白氤

氲陳雨門日老手勝人自具不傳之秘

善如午倦小酌二首

柳陰人去影婆娑嬾倚薰風惹恨多紅蕩香絲愁

不斷一雙魚翠落晴波李花樓日自然未嘗有旖旎不墮小家

今言所見身選
頤坐遙對青山帶酒痕

周醒愚曰醉眼亦是醉語其妙自來酒人未曾說着

新柳詞

麴塵冉冉颺清谿細雨寒煙綠未齊爲愛韶光初
着眼板橋人聽早鶯啼

周半樓曰鮮而不傷于綺

屬吳補壘寫脊令和樂苗

風木含悲十五年脊令相喚復相憐多君爲我傳
心曲寫出無聲小雅篇

夏至日見萱花有感

開到蕙花晝永天一枝猶照北堂前忘憂偏自腸
迴斷根觸悲哀十六年

李耘圃曰性情流露不煩繩削

程紹允

執齋安徽歙縣人漱潤書屋詩草

楮山詩話乾隆辛亥冬予在湘潭寒夜被酒於
 朱欄東座上賦古劍篇云夜寒鴛瓦鋪青霜隱
 囊方禱支胡床酒杯去手鐙挂壁主人蕭客觀
 魚腸神物入手可三尺襲以宋錦加革囊土花
 繡澀血花紫瘦蛟出鞘森寒芒模糊銀字不可
 辨筆畫脫落黃金商三河少年五陵俠銅駝之
 里碧雞坊幾經被酒舞月地何時失勢僵沙塲
 明者鋤犁缺其鏐却同玩器供文房時平世少
 不平事芙蓉黥淡神不揚膝席浩歌一彈鋏還
 君此劍君善藏延津配合古則有寶氣况復霄
 冲光須防風雨夜震電破壁飛去龍騰驤後客
 漢陽漫書于汪九雲癡聚頭執齋見而竊嗜遂
 介雲癡定交隨出所著俾甲乙焉予跋以七言
 律句云詩陣無功苦著鞭審音誰復聽么絃每
 因風雨思印友忽謾飄零遇此賢豈有才如郭
 元振轉教予作九方歎賈逵碑盡金刊字夕諷

朝吟手一編。執齋畫仿宋元。文工徐庾。于詩則上下古今。靡不涉獵。掇其菁英。以典雅春容為極致。讀簡孫兩坪詩。持論不諛。知臨濟正宗。不從聲聞證入。

葆村

巒嶂勢巉岳。豁開見平麓。沿山徑迴轉。繞邨泉斷續。煙火雜浮嵐。踈林隱茅屋。中有素心人。忘機常自足。

臘雪

朔雪舞遙空。北風寒凜洗。達旦復連朝。積素漫郊境。老農三五人。短衣不掩脛。藜藿常不充。腹饑寒

轉甚。栗烈風雪中。仰天相慶幸。歛容語父老。雨雪斷晨炊。胡為有喜色。豈不苦寒饑。父老前致詞。饑寒誠難支。寧甘寒與饑。勿似去年時。去年三冬月。天暖晴無雪。今秋歲儉收。癘疾多夭折。

自雲谷由散花塢平天缸光明頂登始信峯宿獅子林同方岫雲作

黃山天下奇。壁立四千仞。勝蹟自軒皇。靈奧世無竝。同儕三兩人。理策尋松徑。性既愛探幽。具亦能濟勝。初從雲谷入。石磴殊危峻。躡空頂踵接。不于

步難趁。力乏心罔疲。陟險愈精進。是時值深秋。霜
葉何明靚。恍疑遇維摩。散花遍峰嶺。佳處恣留連。
倚石縱嘯詠。十步九憇息。貴緩不貴迅。千盤上平
天。頗愜孤高興。道轉見光明。峰迴登始信。烈士此
題名。雄峭亦相稱。俯瞰後海峯。攢空露芒刃。恠石
象人立。僂偃以相迎。形肖非意想。冉冉辨鬚鬢。境
僻人跡稀。山高寒氣盛。絕無桃李姿。彌形松柏勁。
日暝宿禪棲。山僧方入定。片月流素輝。風濤滿清
聽。澄懷若止水。靈臺自虛淨。何物使之然。山水移

人性。

方岫雲曰通篇
明淨。結力萬鈞。

簡孫雨坪先生

松柏抱勁節。蘭蕙含貞姿。小草生其旁。花開亦葳
蕤。草木有本性。稟賦自不齊。矯強以相合。徒令故
步移。物理莫不然。詩文亦如之。予生早失學。典籍
竊潛窺。讀詩溯八代。唐宋搜無遺。嘗謂學古人。各
隨性所宜。貴能道性情。詰聲亦何爲。艱深文淺陋。
君子所深譏。宋腐元近纖。升降亦因時。正嘉主盛

唐步趨循矩規。刻畫得形似。反與風人違。同時何
信陽。明月發新辭。矯枉雖太甚。妙悟實堪思。國初
諸大家。不廢宋元詩。耳食說開寶。漁洋會詆訾。秋
宵剪燭談。麗澤深相資。鄙意有未達。敢以此質疑。
卿但用卿法。吾亦信吾癡。

過彭蠡湖

不習風波險。安知道路難。蒼煙連岸濶。雪浪拍天。
寒帆際霜初。白湖邊樹盡。丹故園何處。是四顧水
漫漫。

汪艾塘曰骨重
神完不落中晚

問柳次韵元白門

爲問湖邊柳。陽迴綠未勻。故遲枝上色。恐感客中
人。繞岸鶯空轉。平隄草獨春。故園三五樹。應早翠
看新。

李花樓日三四輕鬆妙曼
除是羊家靜婉得比風流

秋夜有懷

夜久蛩聲亂。秋初氣已清。愁多腸九轉。夢破月三
更。詩酒經年別。雲山兩地情。故人千里外。新句倩

誰評。

江行

客路何迢迢。空江水接天。片帆開夕照。柔櫓破輕煙。港口藏沽市。磯頭繫釣船。鄉心隨旅雁。飄渺暮雲邊。

儲山詩話。領聯極自然。又疑練。執魚又有宿茅。蓬句云。竹密常虧日。谿喧若轉雷。寒食夜句云。竹喧寒食雨。花落暮春風。大觀亭次武林二女。子題壁韵云。雲山迢迢蒼梧遠。風雨淒迷翠袖寒。柳枝詞句云。西風殘照晚烟痕。不是離人亦斷魂。皆篋中佳句。

始信峯

雄秀難名狀。憑臨眼界空。從來竒絕地。多在莽蒼中。縹緲非人世。峻嶒顛鬼功。何人施狡獪。搔首問鴻蒙。

重九登蓮花峯。
佳節試躋攀。蓮花霄漢間。盤旋登極頂。恍惚出塵寰。海色明千里。江流劃一灣。憑高舒眼界。培塿萬重山。

偶見家松圓先生范蠡歸湖菑有感吳越春秋事因仿其畫兼系小詩

爭長黃池氣邁倫。不虞於越起烽塵。從來亡國緣。
驕主謾把傾城咎。婦人霸蹟難尋長樂里。風流猶
說浣紗津。鑄金賜劍須臾事。明哲應知在保身。

櫛山詩話三四包括全史。不比月露風雲。

琵琶亭題壁次韵王夢樓太史

寂寞荒城枕水湄。前賢遺蹟尚堪追。煙屯霧鎖周
郎壘。楓葉蘆花白傅詩。霸業已隨流水去。風流猶
繫後人思。祇今惟有波心月。曾照鳴絃顧曲時。
黃赤城曰拉公瑾儷香山前人未道雙挽雙收尤見力量惟五六句與前詩同調然唐賢集中

不可枚舉。此微類纖瑕。無礙寸珠尺璧。

晚泊石磯灘

青山相對夾谿流。草樹風生埜岸秋。旅客夢迴無
限思。莫教新月上扁舟。

新安柳枝詞 六首選一

烏聊山下白沙隄。落盡飛花望更齊。不信黃鸝不
知恨。盡情爭向樹中啼。

自題畫幅 五首選一

小橋荒徑帶柴門。秋水才消露漲痕。隔岸晚霞橫

抹處數家煙火自成村。

白照畫圖

正自數

映照畫圖

正自數

白照畫圖

正自數

雜交林林

六首

如思莫嫌疎民土

青山味博夾發前草樹風坐坐

如思莫嫌疎民土

不問好難此

